



春融堂集



~ 16
2691
6





春融堂集卷十七

杏花春雨書齋集

元日朝賀侍班

紫宸朝

和德甫

玉陛

杏花春雨書齋集

元日朝賀侍班

宮燭輝煌下九霄侍臣先奉

紫宸朝

內閣大學士都御史及翰林講官在殿

上侍班故先在中和殿行禮

六花瑞雪明鼈禁五夜春風協鳳韶

玉陛

平看

仙仗肅

金爐近接御香飄緣知喜

氣先吳會已見蒼龍映斗杓

即日南巡

初四日同鄉小集

新蟾已過月初三把酒高齋秉燭談雪霽春廚聞剪韭香生

客坐笑傳柑傲裝更慰鄉心切

時太夫人尚在家

簪筆先書

澤覃料得諸君皆羨我淮南行盡又淞南

時將隨蹕

昭和九年十一月二十日 購求

門 16
號 2691
卷 6

祈穀齋宿都察院

洪鈞轉嚴凝元化孕亭毒風和暖律回雪霽春膏足祈年重
天宗告備春卿肅 皇心屢屢豐祇敬情彌篤 九重宣
室居百爾官廬宿敬答蒼帝恩用啓芸生福蘭臺本森嚴致
齋愈清穆烟開月似弦雲靜天如沐迢遞聆禁鐘輝煌伴椽
燭行將履青壇儼立侍 黃幄整衣命僕夫殷勤候紅旭前祭

一日 上詣天壇百
官在門外排班侍立

扈 蹕南巡起行作

晁幸東南澤國民敬承四次奉 時巡朝來又見 鑾輿駕
路上人看 鳳詔新

獻賦蒙 恩廿載餘凌雲當日擬相如誰知絕徼歸來後仍

命簪毫扈 屬車

九九消寒一半過郵程從此曉風和玉河橋下冰先泮總為

天家雨露多

六街簫鼓鬧新年市上唐花取次妍共喜香風來遠近沈檀
添炷萬家烟

趙北口 行宮 命諸臣觀燈火入宴聯句恭紀

三十四韻

望 幸江南切 鳴鑾趙北行紀年方值子問俗共由庚淑

氣隨 荆輦條風颺繡旌 黃圖春早到去臘二十
九日立春紫陌雪

初晴紅杏苞猶細青楊縷漸生幔城臨水建 帳殿傍雲平

劍佩貔貅衛冠簪鶴鷺盈上元遵舊典後樂合編氓 黼展

從中設珠鏡次第呈芳筵登折俎雋味發和羹燔炙廚人進

馨香膳宰烹滷漿攜碧椀醞醪泛瑤觥樺燭千條燦蟻珠百

頽瑩玉壺宵竝朗水鑑夜九清行馬兒童戲神鼇父老擎銀
花飄婀娜爆竹遞鏗鉤粉堞烟中列朱旗籠裏明枝還開玉
蕊果忽現紅櫻老鶴梳翎展神龍掉尾橫光芒幾欲眩幻巧
詎能名巨礮連環應奔雷遠近驚偃師施妙伎翹部競新聲
裂石仙宮笛停雲佚女箏十番音攏雜六樂響嚼吟酒已終
三爵詩還 命九卿勞箋聯寫句選韻 賜同廢自幸叨
榮遇何由竭鄙誠 宸章垂北斗奎藻陋西京鐘鼓宣金
奏璫璣轉玉衡 隆儀傳海岱佳話溢滄瀛示 惠方成禮
修和待 省耕需雲孚叶吉湛露潤同傾 壽愷衢樽慶謳
歌蕃屋情仰瞻時邁什千載協韶猷

恭和 御製賜隨營衆臣及山東大小吏食得句
元韻

湛露 恩叨此又逢清泉百道樹千重良宵已預觀燈盛禁
地真慚載筆從勝境久推山左最芳筵幸飲 尚方供仙奠
明日添韶麗桃柳芳妍映六龍時正月晦日

恭和 御製賜隨營衆臣及江南大小吏食得句
示志元韻

雨過芳田又報晴 帷宮曲宴傍 鸞旌深叨 恩遇笙簧
樂愈仰 咨諏稼穡情麥映春蕪青剡剡波平河渚綠盈盈
溫綸蠲賞連朝降已喜陽和協大生

恭和 御製渡黃卽事元韻

虔禱駐 鸞旌凝香對綵棚波平桃後汛雨愛午時晴雁戶
欣常集龍宮靜不驚今看嘉績奏往廛 聖心忤豫奠連
淮泗黃安逮運清 封章看送喜作又仰 精誠

至淮安奉

命祭先賢祠

宋政久不綱中原傷板蕩選懦避辱王謹收疲奸相留守請
 還京陳辭最憤壯辛勤收餘黎感慨諸將苦憶杜陵詩清
 淚灑甲仗連呼渡河三終焉痛淪喪迄今事已杳讀史輒悲
 愴褒忠逢 聖明覽古卹貞亮尊爵耀崇筵牢醴列黼帳
 登堂宣 綸音拜手獲瞻仰畫圖棟梁懸殊見憂勞狀禮成
 出廟門江濤正鼓盪宗忠簡公澤
 皇威暢埽除 國典重風烈煌煌忠正公受任邁杌隍滄桑
 已變遷烽火正纏結一軍劇危疑四鎮互攻許惟茲憂國心
 銜命仗節鉞似續計已捐寢饋身無節守收淚滂沱偏裨氣
 嗚咽風雷來北方陪京就傾滅未歸先軫元誰見蓑宏血偉
 矣衣冠藏依然松栢列易名 綸紵崇 賜祭牲牲潔笙簫

廊下陳玉帛堂中設身騎箕尾來雲旗耿超忽

史忠正公可法

江山連吳楚碧海環其垠扶輿蘊靈異草昧生名臣偉哉文

貞公蔚起矢精純從容玉堂步密勿 講幄勤扈 蹕徽猷

播從征祕畫陳祥刑審古律議禮刈繁文一德資啓沃三台

秉衡鈞 聖心履往哲遣祭傳 恩綸香升几筵肅日麗

機柄新仍孫見濟濟俊士來侁侁庶幾綿世澤還以程先民

張文貞公王書

至蘇州復奉

命祭先賢祠

至德寧終晦高名自古傳荆吳開陋俗文學啓羣賢禩獻循
 前典牲牢告吉蠲猶將三讓意垂教託神弦秦伯
 碩德齊忠憲清風頌伯夷公所書此頌屢荷賜題危言邪黨懾偉畧敵
 人疑名豈三吳重人將百世師薦馨還肅擗憂樂仰無私范文

正公仲淹

舊俗疲庸相新猷煥鉅儒農桑循樸儉禮義砥頑愚道直危

疑定

見堯峯文鈔

名高禮數殊

雍正初年賜諡文正入祀賢良祠

即今蒙

特祭

霑灑萬人趨

湯文正公斌

南楚聲華早東吳政績長何為逢虺蜴竟欲寘桁楊日近

絲綸轉風清俎豆香况聞垂祀典久已重賢良

陳文勤公鵬年公久入京

師賢良祠

貞玉磨難磷寒松久愈堅兩端姦黨計三宥

聖恩全按

吏除貪墨興毗造俊賢至今瞻廟貌祝贊倍加虔

張清恪公伯行

硯山丙舍卽事

茅茨小築硯山邊暖翠柔藍各自自然想見當時營構意幾番

相度得牛眠

桃杏爭春次第開數行松檜映重臺英嫌村路多幽寂上塚

燒香共往來

敢將先澤比瀧岡淚染松楸墓道荒說與山農勤灑掃不知

何日再焚黃

蓬萊道院故址

在木瀆

南岳曾聞禮玉真香龕猶對牡丹春已收羅郁為高弟更與

方平作主人風颺旌幢來鶴羽雲歸巖麓隱龍鱗左神指點

吳山近闔苑何須問海濱

至杭州復奉

命祭先賢祠

唐室方凌替乘輿屢播遷中原誰戡亂內相賴持權河北軍

烽起山東殺氣纏心紆宗祏計人感詔書宣處處頑凶動人

人涕泗漣疆藩謀未息讒口謗爭先激發爭臣論分明實錄

編奸邪雖易滅瘴癘有誰憐避禍難窺面憂時肯息肩懷賢
思再召邁疾竟難痊正直神明在君蒿祀典延千秋餘奏議
仰見日星懸陸宣公贊

五季方雲擾三吳獨晏然惟因通玉帛遂得免戈鋌歌舞安
恬久桑麻樂利便地形江海匯星象斗牛躔富庶傳來禩綏
和憶往年已看王業肇豈有霸圖偏鐵券詞堪讀靈衣彩尚
鮮難扶唐社稷終納宋山川耕鑿羣生樂衣冠後代賢馨香
開廟貌功德奏神絃清獻封章備文忠翰墨綠摩挲還眺望
花柳映湖船錢武肅王鏐

北狩皇輿蹙南遷國勢摧中興資間氣上將出奇才痛飲言
將驗長驅志官灰兩河還社稷九廟燬烟埃別路橫戈待遣
民送款來功將成百戰詔已出三台勳勳投管井親軍泣背

鬼青城終忍辱碧血最堪哀鐵券功動著金陀記載該神靈
長震蕩祀典憶昭回香火承朱幄春醪滴翠苔靈旗覘太乙

來往其風雷

岳忠武王飛

國難倉皇日人心震盪時苟非杼幹畧何以藉維持憶昔明
中葉當年柄下移貂璫權獨擅疆圉事誰支敗績三邊震蒙
塵萬乘危賴公司武部獨力任軍麾智勇從容見營屯布置
宜摧鋒兵勢壯乞款敵情疑黃幄應徐返青衣免共嗤氣剛
宵小嫉功大禍機隨忠憤千秋激馨香奕代思試看金齒戍
曹石竝誅夷于忠肅公謙

恭和

御製賜扈蹕諸臣及浙省大小吏食元韻

本重朝宗念

時閱海塘

還因補助臨陽和真有腳元化喜同斟

麥秀春分節雷催夜半霖芳筵歌燕衍冠蓋滿華林

恭和

御製瑪瑙寺元韻

寶地從新闢嘉名溯昔云詎同三竺秀亦荷
六飛勤寺徒
烟嵐在春深草木欣
知仁山水樂清淨謝繁紛

恭和

御製葛嶺元韻

琳宮紺碧更新之指點仙家示有為初日高臺開畫嶂清泉
春漲響金絲壽星福地前賢蹟玉簡香燈奕代祠豈復崆峒
頌訪道
省六羣頌萬年斯

散直後同梁溪相國劉少宰石菴彭少司空雲楣元

瑞 吳太常廷韓放舟至三潭印月

春深晷更長時康事益省午漏聞丁丁隔牆轉槐影退食已
蕭閒相邀就湖艇翛翛沙鷺飛策策遊儵靜稍近湖心亭垂
楊掃烟町取飲命提壺芳肴更修整清言簡而文微風送欵

磬少選斜陽西弦月上東嶺沿河過三潭天水望彌永依稀
僧鐘遙杳靄魚火耿湛露散遙空如珠濕萍苕身疑姑射仙
地似蓬萊境一笑山澤癯何絲慕箕頴

同諸公遊白沙泉

倚棹信所如彌眷烟波渺漸看梅檀林遠出青松杪精舍本
莊嚴修廊互窅窳老僧進茗飲色味勝良醪云此是法乳論
品諸山少純粹謝凜冽甘和洗煩惱涓流不在多一縷貫昏
曉持此供法筵頗作香廚保今逢
翠華來林泉豈愛寶玉
芽雨水前先苗藉幽討上方進
御珍不作龍團造其妙逾
幽蕓其芬冠香草活火走車聲洵足稱兩好聞言腋生風心
神洞八表自愧本老饕從茲豁醉飽

行至嘉興奉

命讞事青州

按事朝聞使節頌回程已別浙中山青簾白舫催征棹紫纒黃旗憶侍班驛路春深花漠漠江村雨漲水潺潺此行何計紓民隱須與秋卿共詰奸

去秋偕子才明府泊舟北固山下令小史桂郎度曲

因作五絕比入都羅布衣兩峯聘余秀才少雲 鵬神

繪圖記之長安傳為佳話今次京口澹雲微雨風景

畧似去年獨與漢宣青燈危坐回憶子才在白下桂

郎在金閶而予先奉命將由山左按察江西曩時

雅興了不可得復作五絕索漢宣屬和兼寄子才不

勝今昔之感云

多景樓前畫舫停空江微雨夜冥冥坐中祇少中郎並喚取

歌珠剪燭聽

征篷苦憶去年秋楓葉蘆花共晚愁可惜流光一彈指又看

新綠滿芳洲

蒲帆擬汎九江船還指齊州九點烟燕樹吳雲如夢裏空煩

雙鯉寄吟牋

雪泥鴻爪了無痕消受爐香入夜溫烟月揚州誰解得憑君

款語共清尊

澹靄殘霞望不分棟花風定水云云也應寫入鵝溪絹畱與

他年作舊聞

三汊河

芳草連漁步輕帆漾客艤斷橋新漲水微雨白蓮花野鳥飛

還浴鳴蟬靜又譁茆茨瓜架外幽絕兩三家

孟城道中

日暮孟湖道迢迢翠竹深湖通三泖水雲作半溪陰呵殿驚
山犬鳴笳起渚禽前邨風又緊雨氣滿樹林

寶應道中

鷓鴣聲聲急蒹葭處處連一燈邨店市雙槳夜漁船雷殷疑
催雨雲深欲合烟清淮徐放溜憑眺最翛然

界首

珠湖三十六處處層雲鱗鯢緣沙泊琵琶隔屋聞蠶頭青
嶂遠燕尾碧流分燭下盈樽酒飄零憶鷺羣

清口驛

鏡吹前舟泊郵亭候吏喧風沙開驛路燈火亂津門跋馬河
流漲啼鴉暝色昏明晨辭水宿又欲上征轅

桃源書所見

如砥長堤是客程清和景物劇關情土牛稠疊防秋汛檐燕
參差報午晴風外楊花閒自舞雨餘麥穗暖將成儀封已塞
雲梯順祗聽居人說太平

宿遷關雨泊

分明飄泊似楊花飛遍山崖又水涯卻聽漁歌聲漸遠酒樓
燈火奏琵琶

風吹篷背雨瀟瀟人靜關門夜寂寥炙冷燈殘渾不寐舵牙
微響上春潮

峒嵒道中遇雨

忽送滂沱雨雷聲碾碧空籃輿行不得候館與誰同蘭葉修
修綠榴花故故紅偶攜新雀舌小啜更情融

李家莊早發

日出翠峻嶒遙峯指馬陵綠陰春雨潤紺塢野雲凝地勢通
齊魯山形接費滕隔溪聞布穀二麥已將登

次沂水

沂水沿緣處蘇亭入望長山岡分古道風色接殘陽畧約明
流外邨烟綠樹旁壽春清德在尸祝定難忘

山雨曉淒淒垂楊夾路齊未愁泥滑澁最愛草萋迷柳渚鳧
翁浴茅簷燕子栖沿洄良可樂古義取昌黎

昌黎論語說浴手沂作沿手沂

過穆陵關

山迴大峴巨高原齊楚分疆跡尚存今日關墟官舍塌夜來
擊柝與誰論

喜阿侍郎

揚阿

至青州時同讞事

宿雨初收接畫輪東華舊侶更相親心旌懸處辭難定石闕

銜來意未伸慈惠何當酬 冥命誅求豈合累疲民欲知時
勢多盤牙再與羣賢促膝論

刑部郎中覺羅君長林郎君若伊隨至

青州懷古

指點營印在馬前棟花風起授吟鞭雖無季苜留遺址猶有
蒲姑見往編地比關中分十二人同稷下聚三千昇平富庶
今猶昔轂擊肩摩遍市塵

雉堞崔嵬對岱東當年賜履獨稱雄一匡玉帛諸侯長四塞
河山大國風底事雕龍矜博辨好從乘馬紀前功經師最數
青齊甚高密淵源萬古同

八仙

臺

九扈

山

氣崢嶸定霸餘威協大橫地合營平開遠畧

勢同晉楚擅強兵歸墟溟渤魚鹽富分野虛危象緯明河嶽
鍾靈應似舊誰如管晏繼功名

日主成山萬象開瑯琊石刻紀秦臺卻憐徐市無仙骨更歎
田橫失霸才形勝自來稱北海幅員曾記合東萊即今市獄
猶堪念黃老遺言未可裁

至壽光宿同年李子授

封宅書以寄之

時子授方為河庫道

燒尾同登宴同官十二年別來經一紀到此倍淒然池淺新
荷小牆傾濕菌圓風塵俱老大何日是歸田

過新城訪王文簡公別墅感而有作

城西池北盡荒蕪使節經過一嘆吁光焰豈真同李杜風標
端合繼歐蘇漁洋蠶尾風騷亞蜀棧秦關格調殊想見騎鯨
遊汗漫何人酌酒問靈巫

濟南喜晤王進士

元啓

兼示盛孝廉秦川

廿載思前哲

甲戌余在濟南時值沈光祿子大為濼源書院院長今君繼之

何由得替八衣

冠仍肅穆經義又紛綸論學聲華竝秦川亦主蒿城書院同鄉氣味親
無因長接席客路媿風塵

自博平復

命南行

已復齊東 命還承江右行屬車塵漸遠戀 闕意常明未
覺勞薪苦將紆步屐情南陔從此去護草正敷榮

韓莊

水陸盡三春鞍馬困馳騁茲來旬日間征途頗幽靚夏初峭
寒除雨過塵盞屏柳陰遍沙溪麥浪覆村町農事待將興堤
工尚未省肩輿雖登頓身動心還靜谷神本無營悠然睡復
醒公牘絕往還長官稀造請前涂候吏迎云近淮南境笑指
雲龍山雲開微見頂明發謝驪綱沿流上吳艇試聽鼓迴颿
烟波快遙頌

過昭陽湖三絕

長堤老柳作花飛人在湖船試袷衣夜雨平添三尺水釣師
正喜鱖魚肥
湖山重疊淡於烟斜掩篷窗自在眠風外誰驚清夢斷數聲
漁唱夕陽天
蒼絲蘆葉綠茸茸蟹斲鵝闌幾曲通未到故鄉先一笑分明
清景似吳淞

召伯曉泊口號

舶趁風高解纜時村農相識又相疑一春三度湖中泊不是
官人是釣師用漁洋句
趙北燕南至湘西又持使節赴青齊而今更欲經吳越再向
鄱陽沂貴溪

經時愁水復愁風換盡舟車路未窮猶喜 深恩重乞假更
應上塚學龐公

過揚州風利不及泊寄汪韓懷諸君

擬過邗江廿四橋歌場詩社待招邀柔波如說東風緊要挂
輕帆趁暮潮
平山西望渺愁予草草斜行寄短書料得故人同一笑廿年
塵俗未全除

京口二絕

月落村雞鳴風急沙鷗起偶聞粥鼓聲時出江雲裏
竹林初日起甘露曉雲銷舟子催開纜西津正上潮
蘭陵書寄雲松諸友

遙望蘭陵驛斜通孟瀆湖村墟連斷岸雲樹隱浮圖短箔蠶

登繭新巢燕引雛可堪櫻筍節無路共招呼

舟過梁溪顧晴沙製竹爐相贈賦謝并示荔裳

扁舟下梁溪延訪同心友分襟已經年感歎互執手憶昔龍
山遊名園共樽酒酒酣到聽松修篁蔭陵阜名僧及高人兩
美俱不朽更開竹爐卷珍重踰瓊玖墨香入夢寐往往在心
口今我適豫章溪山信清澗官齋聽事餘琴鶴亦何有賴君
貺茲器清風起座右黃蔑外斜穿烏薪內虛受可試谷口泉
豈惟煮陳醜不教爨婦攜常使鋤童守覽物卽懷人蓉湖更
迴首

過桐溪橋有懷疎雨樓及蘋花水閣并懷企晉秦中
一家羣從竝能文鬪酒談詩徹夜分池館已聞頻易主琴樽
誰得更如君夕陽空映烏衣巷宿草難尋馬鬣墳回憶青瑤

竝蕪沒只應灑涕望秦雲

自家起程途中所見偶成四絕

東風吹暖熟梅天攜得全家上畫船惆悵四峯青不了殷勤
送我過湖田

纔過楓涇又練塘蘋花鋪水柳成行篙師更說西江好雲白
山青似故鄉

西來鶯脰水如羅葉葉輕帆向晚過茅屋蘆灣圖畫裏秧歌
聽罷又漁歌

桑柘陰陰夕照來殘雲角雨殷輕雷眠鷗忽起歸鴉落賺得
慈顏一笑開

南湖

百里平江路鴛湖日影遲權分青箬葉帆胥綠楊絲芳草眠

鷗渚葦蘆放鶴陂何人懷小隱高咏似天隨

勝景千秋在扁舟又暫停梵鐘傳古寺漁唱出前汀烟雨三

重閣雲霞六曲屏錢尚書香樹書製詩於烟雨樓屏上御憑闌猶未已風順

報揚船

自桐鄉至石門

征輪越石門晚景澹澄霽殘霞隱東陲圓月出西澨麥秋雖
餘寒篷窗未忍閉戍鼓靜頻聞漁燈懸猶細臘醅瀉微馨春
茗潑新味雲露漸浩然遑惜灑襟袂遐思梧桐鄉近挹臙脂
滙風景入平遠烟波益清麗官程詎可淹勝踐奚由遂點燭
還解衣良遊付寤寐

過閘口換舟至富陽

三板江船繫柳梢溪山如畫望迢迢一肩行李輕於葉好趁

東風上暮潮

赤亭綠嶂露灣環謝監詩章見一斑豈料晚來雲似墨模
多作米家山

桐江水漲碧如油長夏微涼似近秋野老錯疑漁釣客青蓑
綠箬滿船頭

乍雨還晴鼓櫂遲輕衫側帽愛微颺閒中一覺華胥夢臥聽
前山響畫眉

桐廬道中口號

溪迴山折響淙淙短棹長篙鬪急瀧誰識雲山韶濩曲灘聲
永夜入篷窗

鶉鷓叫罷雨如麻已少鶯啼燕語譁不奈秭歸聲斷後一灣
芳草亂鳴蛙

春風堂集卷一
已無春網薦琴高石首江鱗亦足豪誰下西冷香雪酒枇杷
盧橘其櫻桃

鬪筭烘茶割蠟忙春蠶收繭麥登場田家樂事多幽絕更愛
山磬十里香

大雨過七里瀧

久雨夜溟溟何由見客星風雷灘勢壯松竹廟門扃漁釣傳
嚴瀨羊裘重漢廷桐君相望處何自薦芳馨
更有西臺客滄桑感逝波采薇義士怨晞髮頑人邁朱鳥悲
歌在紅羊浩劫過惟聞嗚咽水風雨激盤渦

嚴州

兩湖富溪山浙東更秀削我昔攬圖經夢遊悉其畧茲從西
冷來頗欲試嘗腳豈期雨一旬千山送奔瀑逆流畏張帆入
淖藉挽索推篷尚未能何緣躡芒屨今晨近蘭溪蕭騷勢尤
惡時於浪紋中往往捲菜楠始知百里外饑蛟中夜作雷電
走村墟風濤汕城郭雨旁萬仞山紛流滙巨壑官行應稍休
庶可免驚愕此時雲氣平峯嵐露峩嶷朝定放晴衝波當
漸弱聞言呼長年前灘始停泊

自玉山至進賢道中雜詩

懷玉山間路征輿午暫停蘭池三畝綠竹屋數椽青
節候南來早生衣愛晚涼盈盈楊柳岸已覺稻花香

我望鵝湖山不見鵝湖水何由逢故人

蔣心餘
鉛山人

听夕談名理

如玦復如環清江可釣弋村店晚烟開人家在寒碧
風月清游處長懷玉局翁石鐘不可聽空憶兩芙蓉
雲淡山如黛風迴浪作花扁舟疎柳下且喫紫團茶

洵是神仙宅時看雲霧通更憐藐姑射常近上清宮
彭蠡山無地鄱陽水接天與人貪鷹揭不用木蘭船
日暮長烟霏孤城聽笳鼓欲訪麻姑山仙壇在何所
提籃青裙女攜鋤白足郎總輸雨後犢閒臥綠陰旁

貴溪

杳杳城河漲南風苦石尤更移黃篋舫小住白蘋洲新月
初上殘雷礙未休時聞林外鳥投宿語鈞輈

百花洲

宛轉花洲路依然虎阜同酒樓青嶂外香市綠陰中書畫多
爲貴笙簫聽不窮何當遊賞地稍紀昔賢風

謂宋牧仲先生

滕王閣

千秋高閣尚崔巍岸幘登臨四望開風月清談宜上客江湖

重鎮藉長才西山巒嶂當窗湧南浦帆檣傍檻迴更仰昌黎
文雅健三王詞賦共昭回

署中卽事

蛛網蝸涎印碧苔百年老屋漸傾頽東榮賸有梅花在不及
寒香冒雪開

池水彎環二畝餘迴廊曲檻儘觀魚春來葭菼綠坡上不見
田田長綠蕖

珠蘭茉莉賤如蓬小閣香生午夜濃禪榻茶烟今已慣夢回
誰覺鬢雲鬆

洞天福地竝崢嶸暇日登樓眼倍明想像新秋涼月夜仙人
笙鶴在瑤清

望西山

族子次辰

陳梁

六十雙壽

我家遷漕溪屈指屆五世族姓雖未蕃文章頗能繼敢如元
 長言七葉自誇恣卻笑韓符郎諺識金根字念汝雖羣從問
 年長有二少小已恢奇天姿精且粹憶昔羈甲年從師勤講
 肄篝燈相因依蠹簡互排比摛文賭先成肯諷鬪疆記賞奇
 忽共欣得解輒更示阮家竹林遊南北誰軒輊余與次辰少同受業於蔡
淞南授毫試有司歷塊矯雙騎一鳴人先驚三捷戰皆利藻
 芹璧水香囊鼓圓橋沸俱膺博士員竝使各卿器又同見知於張學使
恒臣廷球余弟羅囊詎宜焚玉樹足取譬將搏北海翼忽擁
一次辰第三東山鼻亭衢良可占蜚遜亦堪企閒居述祖德國醫著靈邃
 洞見垣一方遺書幸存笥先高祖及曾伯祖季猷皆以良醫稱祕典迦靈蘭微
 言發金匱九籥乎陰陽六元契天地奇咳手親鈔攬撫情獨
 摯上自長桑君沿流暨聖惠顛顛挾豪茫斷斷別佐使藏府

解癥結繞痠起重髓技寔與道通豈惟珍藥餌坐使神觀清
 容顏滋益睟腰脚既飛騰齒牙更堅緻扁臍汎江湖昂藏靈
 高致內有德曜賢中饋擅辦治琴瑟克相莊米鹽得無累偕
 老共六十熏風值炎熾酒旗耀天廚烏注扇餽食棗從安
 期採芝挹綺季著膝文度佳家法克承嗣籥雲雖埃時早具
 垂天勢入舍浣裙褕布席潔修髓愛日慶方長何緣羨貂珥
 嗟我蒲柳姿垂老逾顛顛衝寒皮肉皴冒瘴背肩痺功名齊
 雞肋身世跡蟲臂羨汝守門閭優閒天所畀為我菟裘謀歸
 休獲塗墜余于己亥乞假歸葬修默坐數前塵微茫宛夢寐
理故居皆次辰督理之當時研席朋零落等揚鱗癡叔尚非癡舊聞添多識從茲其
 槃談解帶寫胸次杜陵昔作歌慨嘆眾賓醉文忠贈安節超
 然制老淚同姓古所敦同學矧同志一聞懸弧期欣感兩難

置長筵雖未預，隄幸堪試持觴聽。此歌清鏘擬繁吹。

題渚紅小照

水仙風竹共梅花，香閣清標自一家。又怨春光嫌太澹，畧教
月季試鉛華。

枯枝瘦石兩崢嶸，綠綺將傳物外情。一道寒流明似雪，出山
仍比在山清。

嫩晴時節迥清虛，獨伴園林水竹居。不管蒼苔黏翠裛，暗香
深處讀仙書。

蘇雲卿祠

老屋三間菜圃東，苔龕粉壁仰高風。山林有樂同徐穉，鼎軸
無成恥魏公。花木當堦晴霧歷，雲烟傍戶夜溟濛。南州名士
多於鯽，安得如君似雪鴻。

春融堂集卷十八

青浦 王 利 德甫

杏花春雨書齋集

四乙巳

癸卯

甲辰

就莊為座主陳文勤公別業感賦

今續修西湖志于此

憑欄徒倚日將斜，蝨壁苔扉百感賒。疎柳千行空蘸水，殘梅
數樹偶餘花。湖山一路詩人境，竹樹三朝宰相家。

文簡公亦居此搔首長安車廢地，軟紅何處問提沙。

子成進士，詩文勤公于

矣

宿雨初晴同周秀才仲育

厚堦家嶰谷

宜月夜汎湖

以山高月小水落石出為韻，分得石小二字

宿雨獲新晴，如夢初破曉。況此將盈月，已上層巒表。命侶汎
重湖，一舟凌浩渺。樓臺翳雲林，彷彿蓬萊島。隔墟聞吠龍，繞

樹驚宿鳥隱隱城柝傳星星寺鐘杳六橋寂無人葦外漁燈

小
微風西南來輕浪響苔石夜靜風漸平波光湛重碧更喚壓

笛郎和此洞簫客謂解谷歌雲入煙靄溪山破岑寂初春賸微

寒小飲況清適夜闌興倍佳停舟理吟屐長堤踏月歸微霜

灑巾幘
被 旨授直隸按察使刻日北行崔幔亭龍見同書

局楊西和 倫 馬依墀緯雲趙晉齋魏張芑堂燕昌項

金門壻汪書年家敦初朱映濬文藻李書田賡芸餞

行是夜大雨賦此畱別
少時頻踏孤山路去年曾寓西泠渡閒將經術互評論更有

朋簪博歡趣卽今書局正新開涉險搜奇供撰著好語傳聞

出 上方 詔持符節畿南去廢吏頻來催假裝舊游欲別

還猶豫山林愛我亦含悽忽屬東風起煙霧勝地難爲十日

畱論心聊作三更住幔亭舊守復多情置酒長筵呼合釀不

惜分攜意氣豪共商今古精神露會晤他時斷有期文章自

立當無誤縱難接席共寒暄要寄長箋豁情愫琴鶴難言政

便成雲龍莫負心相慕潺潺檐漏滴階除喔喔鳴雞出村樹

衡泥滑達越巖城回首吳山更沿沂
題振華上人畫像
盤陀獨憩證無生垢淨渾忘出世情差愛墨花禪屋裏兩行
梧竹伴雙清
重開高閣領煙霞地近清溪曲曲斜試向綠陰高處望白鷗
波外認漁家

精藍窈窕隔塵寰曾記名家共往還爾得當年粉本在都將

水墨寫雲山

昔語石蕉士兩禪師以篆刻繪事為時所稱名賢投贈書畫最多今皆藏去無恙

不窮義學不參禪粥鼓茶盞自在緣媿我又隨春鴈去何時

重檝楸頭船

別故居

筋力衰慵合挂冠又承人異命五雲端桑麻將別還重戀松

菊猶存擬再看萬里功名曾汗漫百年堂構最辛酸

時年六十尚未

子更思牀上書連屋莫任蟲魚漸損殘

訪念亭上人於中峯話舊賦贈

瓶盞蕭然絕點塵卅年如夢與誰陳漉囊淨饌猶前日叢竹

疎花及早春閒向芸蟬窮義學老將松鶴鬪精神獨愁斜照

偏催別便過溪橋意未申

嶧縣道中

矮屋含餘溜微雲掩曙霞不因山向背誰識路橫斜林迴稀

聞鳥村遙始見花家人應屈指春盡到京華

滋陽

古郡猶名竟清流本自滋村莊方雜沓車馬共逶迤細繭蠶

家市香煤魯殿碑還誇膠出井土物最相宜

過荏平

南來清泗一支斜曲渚迴塘漾玉沙隔岸村莊如畫裏青帘

綠柳間梨花

高唐鳴石遠重重春盡還生料峭風正喜微雲膚寸合不嫌

細雨濕花驄

茶庵

時將赴陝

春山堂集卷十八
五年三過駐行車名是茶庵且喫茶最喜者番春色好麥芽
齊綠菜初花

江北江南得得來正逢微雨浥輕埃禪門蕭寂真堪味澹白
桃花數朶開

六十平頭鬢似絲生平蹤迹幾人知除非座上真如像曾見
恒河照影時

千秋臺傳是光武卽位處

史紀春陵迹城傳鄜邑名瑞符呈赤伏奕葉繼炎精定亂朝
章復中興國勢更天窮黃室運人助綠林兵烽火除威斗雷
霆走大槍輿圖收北地文物續西京日角垂靈遠雲臺列宿
明未經疑象鼎先此會鳧旌卜雒基長奠當塗識又萌早聞
宮闕圯終見蔓蕪平王氣虛千古山形尙五成重尋對竈處

臣主信崢嶸

井陘關懷古

井陘關前朝駐馬危崖仄徑于峯下二十萬衆俱埃塵始識
淮陰眞健者當時楚漢孰雌雄叶欲搗彭城又喪兵廣武榮
陽雖百戰太公幾作一杯羹陳倉軍出三秦併東渡黃河聲
勢勁背水交鋒赤幟馳安成君死河東定載拜還師李左車
燕齊傳檄在斯須蒯通進說非無見流涕曾悲樂毅書河山
北戒風煙掃烏騅夜失陰陵道千秋帝業五年成元功第一
誰人造烏盡弓藏自古云淒涼鍾室族全淪何如曾受平成
辱猶使弓高有孽孫

芹泉道中曉行

明星照繁叢宿鳥驚欲起披衣出驛亭清露尙瀟瀟老農叱

牛聲想當趁耘耔破牖耿明燈機織亦此始乃知民生勤作
息合婦子我今在道塗豈容歎勞止況逢長夏初微寒更可
喜舉鞭指前山新暉映林尾

過蒲州沈運使方穀

業富

出迎小飲

綠盈芳草快題襟足感天涯久別心旅館一樽重倚玉鎖闈

兩榜共泥金

子與方穀鄉會試同年

門牆自別年華遠

座主夢文子先生下世已二十

餘年

書劍誰憐疾病深

時黃仲則景仁臥病署中

猶幸關河真接壤莫教

魚鴈滯瑤音

潼關

鶉首星芒照九垓規模百二自秦開關山蒼莽爭天險文武
飛騰出將才日暖旌旗橫戍邏雲連城堞抱烽臺登高立馬
休憑弔看取三峯翠色來

渡河至華陰

昔年馳傳過雲臺此日乘槎擊楫來竹箭三門通浩蕩蓮花
萬丈削崔嵬墜驢有地藏高隱鬪蝨無人繼霸才又值河山
形勢壯生平懷抱喜重開

驪山溫泉

繡嶺十月霜作花楓櫨萬樹開晴葩純坤用事蟲豸蟄奚繇
變見金蝦蟆厥貌不恭異類出五行洪範言非差當時禁籟
互窈窕華清宮內疑仙家貴妃霓裳和簫管至尊羯鼓兼箏
琶東來軋犖襁繡緜夜半笑語騰宮娃洗兒賞賜輒百萬解
穢誰與懲淫哇吾今來近夏日至長空卓午飛金鷄苦無甘
泉滌煩渴漫膚多汗黏絺紗卷衣入室槃薄羸快意背癢仙
姑爬粉箱脂盃不待用已識癥結銷塵沙八功德池灌頂住

淨因彷彿同清嘉身輕浴罷脚不襪胡牀便踞呼茶瓜松陰
涼氣亦漸動晞髮更覺吹鬢髮殿角風來飄躑躅山腰草偃
奔麕麕紅羊一劫歷千古禍水何事頻咨嗟三峯遙望見玉
女洗頭盆下紛殘霞

西安懷古

兩戒河山陸海尊凱旋曾憶駐行軒久稱秦塞封疆大誰念
周京教化存州合雍梁通地軸度分井鬼近天垣聖經石刻
欣無恙擬與羣賢細討論時企晉東有淵如
雅存皆在西安
紫塞青門冠九垓桑陰麥浪值恢台雲高華嶽三峯出勢瞰
中原二室開天馬蒲梢經瀚海石鯨鱗甲想蓬萊地靈應有
英材出星象遙看接斗魁

漢寢唐陵盡廢邱空傳自古帝王州管絃猶記瑤池宴花鳥

誰尋杜曲游新築都城開萬雉宿屯禁旅衛千牛

時新修省
城城中舊

駐滿兵三千名
將軍都統領之

莊嚴更仰金天廟玉女蒼龍太華留

幽岐自昔接窮邊西夏西秦壤地連每見旌旗營細柳常虞
烽燧照甘泉車書今盡鈞冲地琛賚時來勃律天貫耳纏頭

看絡繹亟修驛傳達幽燕

按察使兼管
通省驛傳

初秋臥病秋帆中丞特遣伶人來過賦二十韻為謝

兼示企晉舍人東有侍讀友竹上舍

署中得雨秋將生繩牀臥疾方淒清鼠肝蟲臂不自惜尻輪
神馬將何成簿書稍罷鳧鴈退隱囊惟聽莎雞鳴中丞憐我
太寂寞故遣小部來逢迎清歌似髮雲欲墮空庭如水香微
縈忽聞龍君奏破陣又疑雨脚齊吹笙十番絃索相間作圓
卷白羽兼鏗轟我因風痺久不飲堅坐已使心神傾昨日百

雉工初程高牙置酒偕葱珩有壬有林總總集以詠以間洋
洋盈匪徒長筵誇盛會要與河嶽雄函京嗟我病足未得往
陳力竊祿方屏營掩關復聞繞梁韻豈免慚喜交相并往時
秦雲稱擷英曹來殷諸君有秦雲擷英錄二卷左驥史炳馳芳名搗箏擊缶
今遍閱終愛吳語嬌春鶯琵琶每感遷客淚感栗或槍羈人
情寧如紫雲迴一曲呻吟能使還和平良朋談笑有穆父謂獻
之舊人感慨餘嘉榮躋躋句贅官自棄白戰仍擬尋齊盟

友竹出所摹董北苑夏山欲雨文五峯夏山及吳漁

山湖山秋曉三長卷屬題追感舊游率成長句

小秦淮水東門東蕪城楊柳春溟濛一條畧約闌干紅佳話
傳說漁洋翁德州送者興頗同走召賓客登煙篷人三十二
以次從君年方壯揚清曠譚詩讀畫推昌丰我亦獻賦明

光宮將入京雜親宸楓同時意氣誇君宗流光電抹何忽
忽浮萍兩葉碧解中廿載未得瑤華通仰視但愧南征鴻去
年讀禮嗟尸饗忽辱芳訊來吳淞副以古隸莊而崇筆力似
欲追斯邕相望百里虛相逢懷君第覺心忡忡今茲擁傳臨
河潼衙齋晝靜聞音楚始獲揄袂開幽衷年逾七十顏如童
腰脚壯健超疲慵豈有異術傳韓終示我長卷溪山重云摹
北苑暨五峯別仿墨井尤能工夏山煙靄驅豐霽浮雲潑墨
興蛟龍石燕千點迴長風山木盡亞青芙蓉一圖當暑清陰
濃飛橋橫巨眠晴虹山人蕙帳依簾櫳喜見畸客拖枯筇一
圖林屋紛瓏璫棧閣詰屈穿幽叢山開湖出溪所鍾蘆人軀
影張彎弓想當槃礴殊雕蟲真宰入腕搜元功一一神似非
形容實有山水蟠心胷君家鄧尉煙霞封梅花萬樹參杉松

東湖西崦鮭菜充斯圖母乃規其蹤嗟我霜鬢雙蓬鬆久淹
 絕傲呼傳烽雪嶺四面環高壙山川險怪爭寵從詎若對此
 心神融獨憐君亦隨飛蓬奔走齊晉裘蒙戎石隱尙未儕山
 農空抱妙墨娛羈棕此間形勝兩戒雄蓮花萬似摩蒼穹太
 華夜碧聞清鐘明星玉女光熊熊古來高逸此息躬寧必歛
 乃稱吳儂舊游况已宿草豐竹西鼓吹秋煙空三人幸聚等
 駟蛩丁丑雅雨運使修禊紅橋同會者今惟君與東有及子三人尙在而皆在西安尤可異也裙屐來往
 樂未窮南樓更可陪庾公相於游藝連春冬

卽事

吏散重門掩幽禽下短牆茶餘仍隱几夢醒更焚香山雨蕭
 蕭過秋風澹澹涼閒真因病得此味迴難忘

企晉辱和前韻歷敘舊游循誦愴然復次一章並寄

崑南布衣吳下來殷侍講都中

少年吟苦太瘦生作詩長似秋蟲清偏絃么韻誰復愛君獨
 見賞時日成井蛙敢隨鯨鯨涌牛鐸竟和韶韻鳴璜川書屋
 深且靚往往倒屣勞相迎銅盤水寒朱果汎斲簞冰淨紋簾
 縈沙斗張崑南及初張策時曹殷趙之並餘子諧謔問作調笛笙忽思
 寒山便放權要看千尺奔霆轟歸來小查山閣坐痛飲不惜
 金鬪傾爾時催詩刻燭程衆作錯落堆瓊珩相期佳會承朝
 夕指似明月無虧盈人生捉鼻難自料薄宦取次游 神京
 雄飛雌伏互星散我更四面隨行營流光如電近卅載舊游
 異地仍交并君今絳帳羅千英鵝湖鹿洞將齊名翹羽雖謝
 巢閣鳳出林坐振遷喬鶯企晉爲關中書院山長時將鄉試故云所嗟故交已
 宿草謂斗初策時升之名園蕪沒空餘情公超賣樂喜矍鑠叔通把

筆當隆平自憐蒲柳漸衰落蓬科豈復還春榮感君賡和寄
南北江湖幸勿忘前盟

吳黃仲則六十六韻

黃生冠古才詩筆無與兩颺起南蘭陵文史備醞釀春容步
前修峭刻出新樣思能通無厚意必矜獨叛睢渙織綺麗裨
瀛激雄放黃雞忽變雉黑黍乃和鬯英英百夫特矯矯萬人
將挾策來京華擬侍 瑤階仗碎琴不見知鼓瑟竟何向頗
爲狹斜游微吟寄惆悵堂堂朱笥河經義實經仇君也出其
門愛君似珍貺連鑣肆幽尋置酒共跌蕩暨我從戎歸君來
依絳帳每謂王與朱南北兩哲匠生平所服膺喜得重瞻仰
時偕車笠朋並坐書畫舫刻燭夜常分扣門日相訪圖書嚴
討論稗野供諛浪辛苦攜家來母氏幸無恙歆傾屋三間冷

落火一炕循陔乏藟膏頰首愧益益鮑叔金未分胡奴米誰

餉口疑石闕銜心作愁旌漾用此出入憂有淚滴衣桁求爲

寫書官鉛槧事裝潢庶幾備常員升斗亦祿養自我歸江南

別夢屢憤恨今茲叱馭來黃圖踐督亢知君先適秦征途歷

亭障幸逢東道賢謂秋帆中丞賓朋互駘宕星文井鬼懸意

氣雲霄上時時邀吳舍人嚴東有飛戩戛高唱兼羸陸賈裝

幸免黔婁狀回車出河東中條度層嶂狐突雪纔消龍門春

欲漲觀察亦清流謂方毅廚顧差足况登樓盍帟屐設醴具

脯醬洵堪豁羈孤豈復病悒悒昨開方穀書失聲慟予喪瑣

瑣竟取災微痾誰屬續想當易箠時陰風襲襲魍神明了不

昏八口計誰傍知心三四人周卹端可望仲則病劇時倩人

及中丞稚存三人含涕屬代書紙墨鬱悽愴聞君櫜已歸何地卜殯

葬獨念我黨中吳

知州景人

最貞諒錢

編修陳

太守

汪

大經

楊進士倫明府徐書受

左右分

二廣

惟君摻

世錫

弧文壇

擅

決盪拱壁孰能先玉卮喜有當傳烽燭蠻雲吳君薤嵐瘴繼

聞景君歿山鬼泣幽壙君今又奄然營魄赴蓬閭枕膝與傳

經曷使我軍張計君詞章外溫恭具雅量樂羣德不孤砭俗

志相抗風標謝幼輿簡寂阮思曠藝事更多能倚聲奏清暢

銅章彝敦古畫燈煙雲颺

君工八分極古質兼擅山水

一朝歸山邱誰愛

等寶藏惟此數卷詩視古無所讓中丞已網羅珠璣幾頡頏

逝將授雕鐫寧至慮冗長斯文既可定傳世斷非妄風霆割

雷碾河嶽發悲壯披髮乘麒麟千古足神王

六十初度

六十平頭雪滿鬢西來暫得息馳驅歸心却羨投林鳥去日

愁同過隙駒經誼鉤稽終未貫詩篇稠疊尙嫌麤文通老去
才華退撰錄時虞歲易徂

附作

光岳騰精氣奎文協斗躔泰符呈景運輔世仰名賢

玉推鴻寶靈椿紀大年鳳麟華胄遠峯泖隱居沿

天人貫含章德藝全幽思吞卦畫妙解證蹄筌

成錦崢嶸筆似椽董帷耽寂寂邊笥號便便

桂先驅祖逖鞭豹文終炳蔚鳳藻必騰騫

介仁膏被海壖四巡亭伯頌三禮杜陵篇

埒楊盧譽敢先詩題紅藥署職奉紫薇天

持衡掇杞榘丰神欽仲寶幹局重僧虔

才信美旃由來梁棟具不慮雪霜纏

欲照滇弄兵連响叮負固集穰挺秋慷慨從軍去艱難出

塞偏金沙波浩瀚鐵壁路回遄企伐叛舒長策招攜握勝

權傳書啗陸賈鑿空陋張騫東微外鴉音草天邊虎旅旋

白狼充職貢朱鷺奏喧闐秋武庫將韜甲威弧未戢茲連

營趨玉壘振旆指金川企籌密千林暗礪危萬仞懸飛撞

尋木杪度索挂峯巔東風鶴殊多警沙蟲劇可憐援桴勞

上相贊畫賴中堅秋吹律和風應攻車吉日涓賈生工餌

敵衛國善籌邊企帷幄謀千里機鈴必九淵繩橋馳露布

雪嶺耀霜鋌東偃鼓驚三覆鳴鉦駭兩甄纔看驅虎兇倏

已靖氛祇秋款塞輸寶馬歌風徧芋田燕然銘可勒邨閣

頌宜鏞企絳闕頒新詔彤墀繞瑞煙承恩龍節迓

拜命鷓冠鮮東棘寺平反數槐堂歲月延樞庭辭儉直

方岳寄旬宣秋禮意隆三接光榮沐九遷雲山豫章郡

琴鶴使君船企膝閣延清賞匡廬對瀑泉聲華馳赤棒況

味守青瓊東暫許松筠返俄聞綸綽傳河潼開旭日沂

渭駐雲駢秋豸節霜威肅烏臺月彩圓香山仍學道摩詰

愛逃禪企籬菊寒逾秀巖松翠更妍東憶從龍榜後相契

鳳池前人海嗟寥闊官曹喜接聯秋江湖來素侶車笠

訂前緣企共理懷人篋欣逢初度筵岸容花爛漫庭影鶴

翩躚東八水青霞映三峯紫氣連紅包商嶺橘碧綻岳池

蓮秋織女初迴馭洪崖正拍肩謝庭春樹曉荀幄午香煎

晉企卽事真蓬閣他年友偃佺琅璈聽競響介祉頌綿綿東

蘇文忠公生日秋帆中丞招企晉東有友竹稚存亮

淵如敦初家半庵開沃程彝齋敦集終南仙館作

峩峩江灌神靈宅不用家風標萬石攬揆曾聞箕斗夕幸見
高齋集嘉客崧生岳降當靈辰遺容一燈神明存松雪下筆
煙雲騰孤筇笠屐傳吟魂稜稜眉宇韓歐似自說生平窮不
死今日爲公作燕喜屈指生年由丙子獻畢更憶熙豐時僉
壬攜拾烏臺詩黎風蜚雨了不知新說尙欲懲荆尸後逢元
祐重清朗更三大赦金雞放北還急趁江南槩在宥何爲功
竟喪玉棺雖束長帽翁西方不無宿命通豈獨著述垂吟筒
後死悲憤徒填胷我昔過公棹舟所蘭陵竹樹今猶古又過
西湖風以雨不獲從游如仲甫茲來長安近甘旬具稔遺愛
畱秦人夢游陝右洵夙因蘋蘩良足差蒿焄兼以東湖山水
秀名區到處畱遺構披髮騎麟來往舊視此黎毗神所佑中
丞爲政公同儕綿津私淑何有哉滄浪石萍浮塵埃靈旗應

傍終南來風馬雲車如可矚竟須一語陳江視豈特文章散
珠玉要使廉頑刮凡俗主賓競奏鶴南飛間以竽笙並玉徽
十行椽燭排簾幃自今歲歲來無違釣魚鄉遠薤仙骨紗縠
行蕪亦奄忽獨有奎光長不沒仰視松梢山吐月

題秦中允端崖湖縫衣圖

游子身上衣慈母手中綫我吟有窮詩老淚恒欲泣今觀此
圖中喬柯互蔥蘢軒窗豁開拓鞍馬鬪光絢似束短後衣遠
游出郊甸斷機憶前修牽衣惜畱盼堂前白髮人行裝手縫
綻一針一縷絲一絲一心願所願換征衫補袞近霄漢蘸筆
寫丹青慈懷宛如見嗟我少失怙金護賴深眷不虞隨輕車
萬里事傳箭南渡瀾滄江瘴雲漲炎曠西踰斑爛山雪嶺逼
雲棧皮船瀉奔流鐵索亘斷岸礮石每旬轟烽燧肆凌亂維

時跋白雲親舍隔京縣數椽壓風雪一燈守炊爨懸知念慎
旃猶來發悲歎癩思不可寫灑涕溢几案羨君少華臙盛歲
已從宦詞章元圃光名譽瀛洲選彩服羅青春籍甚三英粲
偶然出 國門使星炳霞煥皇華閭里榮英蕩路人羨歸來
奉北堂淳母佐蘭膳奚為仿南田歡欣雜悽惋具見不置思
曾閱本同貫雖當晝錦榮彌塵春暉戀畫荻垂芳型授經記
史傳何如播此畫以為絕裾勸庶媿老萊圖用埃淵明讚

慈恩寺

雕欄碧瓦出晴空歲久猶存勝槩雄百二關山標鴈塔三千
世界衛龍宮曲江杏苑正蕪外漢寢唐陵指顧中考古獨尋
雙聖教殘碑曩履暈青紅

盛京慶將軍桂以 御賜東巡詩篇見示敬和四章

兼寄晴村都統於黑龍江

出鎮旌幢肅時巡 輦輅隨韋平三世業豐鎬萬年規瀋水
通遼海開原接地陲承先兼侍養時太夫人久塵九重思
赫奕雲章麗便蕃綺帛隨陪都驚 寵賚相府繼前規地望
三霄路勳名萬里陲沙堤看載築 祕殿待論思

憶昔趨

朝日頻年荷橐隨

予同直軍機凡六載

通家承款洽予召

公讀莅事藉箴規關陝通西極幽并踰北陲欣聞眠食好翹

足慰相思

時公疾初愈

迢遞秦淮路名園昔號隨詩章留小謝風月憶元規驛路懸
三衛朋交隔四陲報知驃騎道第五更懷思謂晴村

寄壻嚴瑞唐

九峯如畫隔淞南珠樹雙棲意更湛人物過江推衛玠風流

絕世想劉惔香囊玉麈隨時備錦贖牙籤盡日探應向青綾
同詠絮好憑歸鴈寄雲藍

得門人白侍講書賦答

雅尚辭榮早翛然學道初正憐三歲別忽得十行書玉笋門
生眾君戊戌同考錢塘蔡小匡廷衡吳式如徽元和馮實庵培皆出門下金蓮故事疎河潼春
水活數望寄雙魚

寄蓉裳伏羌時有被圍之信

軍烽動地羽書馳斗大孤城隻手支仗劔登埤詞慷慨燒燈
磨盾墨淋漓時以八百里文書告急傳餐盡斥中人產捲甲誰塞大將
旗搔首不堪頻望遠天狼芒角射南陲

白崖山勢鬪崔巍殺氣昏昏掩翠微共有風聲傳兩路時長武亦

有賊從平涼趨西安之信獨看月暈憶重圍耿恭拜井心猶壯羊侃憑城

事恐非何日鯨鯢俱就戮蓉湖無恙問漁磯

聞程魚門抵西安卻寄

官齋聞已卸行滕長路關心問寢興空向湖山瞻紫氣何繇
風雨共青燈學當老去文章健昨以所刻散體文見示身在行間意氣
增余時在長武治兵寄語歸時笳鼓競硬盤詩句力猶能

邠州道中

降原陟嶮度崢嶸人在幽風畫裏行遠向流泉覘地脈親從
陶穴問民生三單軍制今誰考七月詩章好再賡一路棗花
香不斷莎雞應候已先鳴

邠州謁范文正公祠

拜手階前淚暗滋蝸涎鼠迹滿空祠權門豈肯隨文靖清德
終懷頌伯夷千古傷心朋黨論一時破膽敵人知秦川吳苑

遺徽在兩地馨香百世師

泰峪道中夜行

過雨仍飄雨先秋已作秋障泥寧足惜說輾劇堪憂灘漲聲
方厲雷殘隱未收宵征渾不寐白盡老夫頭

靈臺何氏書齋小憩

何氏園林好何緣此日過對城開粉堞卜宅傍巖阿映坐簾
櫳靜垂簷棗栗多千秋靈沼地風物尙熙和

天堂鎮雨後

屬麟游

驛路新開傍巨川天堂鎮本非驛路余時駐長武與隴州戍守諸處文報往來應從鳳翔岐山扶風武功乾州遞送殊多紆滯訪知長武以南由獨店天堂鎮寶峪山傍汧水而行至鳳翔止二百里程途甚近故於此別設驛站夫馬於是路程關風伏雨赴戎旃石城已報長圍合隴坂既近信息易通矣猶煩列戍懸投筆悔同班定遠據鞍取效馬文淵征途即日

差堪喜多稼如雲滿大田

時回賊據石峯堡即明史所云石城大兵正在圍攻

汧陽道中

圍圍雲猶族沈沈震遂泥盤渦驚瘦馬斷嶺出殘霓落實桃
梨熟垂芒黍稷齊導汧懷往迹浩蕩下岐西

旅夜寄渚紅

短燭熒熒照綺疏明河左界夜涼初雕櫳不見紅鸚鵡只盼
征夫數寄書

短衣長鉢歎飄零吳嶽愁看數點青聽遍隴頭嗚咽水不堪

重過碧寒亭亭在州西七十里故關上

隴州夜宿

時聞山西總兵福敏泰領兵至子為指示要隘駐劄之所

隴頭流水聲嗚咽自古征人心欲折我今到此值清秋風塵
奔走頭如雪茲山山勢來秦關終南惇物相鉤連懸流飛瀑

互噴薄霜前月下恒潺湲况復征鴻正南下雜以哀猿清嘯者夜半西風捲地來羈人清淚如鉛瀉長吟驛外正傳烽授子安營屬總戎旅店寒燈終不寐短衣匹馬事難窮明晨更泝寒流去且與徵兵分駐所總將敵愾激貔貅不教家信傳

鸚鵡

鳳翔東湖謁蘇文忠公祠三首

關中地高寒山多藪澤少江河兩界外八水自縈繞曲江與漢陂到今亦枯槁鳳翔有東湖澄波乃縹緲漠漠散鳧鷖汙汙漾蘋藻征鞍此稍休涼風破煩惱正欲解塵襟沿緣泝林沼幸有同心人具舟及清曉謂鄧子敖原傳安登艫已蕭瑟抵岸尤幽妍垂楊翳溪步未到鳴秋蟬入門仰龕燈玉貌真如仙古來清妙人例與水月緣杭穎尚未到宦

游占

去聲

其先八窗亦半啟荷香入爐煙

憶公簽判時行年二十七欬吐落珠璣風標映雲日殷勤憫農心早已著詩筆夜深望河漢甘霖詎能必況今蟻蝨徒搔爬猶未訖伏羌常被圍石堡待掃穴六月正悽悽何由免顛越知公白雲鄉下視定憂恤

東湖夜宿

漠漠菰蒲積紛紛荇藻橫端能通酒舫洵可濯塵纓月暗聞魚響燈移覺鳥驚如珠秋露重頻使翠盤傾

吳嶽

華山西嶽垂虞典周禮職方推吳去聲嶽古來畿甸互西東望祭名山亦遷轉豐鎬已距長安遙鳳翔更與河潼遠岍山作鎮奉明禋漢唐視此良非舛我今擁傳過汧蒲九峯蒼翠空

中顯疊嶂層巒洞壑深興雲降雨蛟螭偃灑掃時看長吏臨
纏黃每望名卿遣豈惟稔黍及秋豐並知癘疫羣生免嗟我
無由盡潔蠲望中暗已輸情款西陲蟻賊正恇懷伏羌龍德
鄰烽燹昨聞尺一下重霄元臣宿衛來京輦雖知韜畧有
多方還藉神靈能速翦汗流石馬荷成勲直剗餘氛如菟獮
更頒錢幣飾宮廷金碧輝煌昭禁扁時廟宇亦稍頽圯

七夕再過許明府古芸光基永壽衙齋

高齋從此憩塵纓筆格書牀分外清賴有杯盤酬令節何堪
風雨話行程予從隴州往長武經此香浮玉盃花仍麗是夕以茉莉雲
掩銀河月未晴桑下只愁三宿戀時予已三伴人燈火況多
情

將回省留別長武諸生

半載防邊羽檄煩幸無力役病黎元地因塞近風猶古雲爲
秋深日易昏黍稷年豐肥鴈鴛桑麻人樂靜雞豚只愁士少
詩書氣學業何由得共論予至長武恐所帶書手騷擾地方故令校官選生員數人以供書寫
計五月中所書至二千餘牘今將回省使各歸家因令縣樊君與校官修葺學宮且作碑文以記之而情尤惓惓也

窑

陶復幽詩詠邊隅制尙存寬能容輿竈堅不礙耕屯石屋仙
人洞柴扉野老村秋寒來信宿臥炕已微溫

回署

綠陰如幄赴鶉觚歸及涼風下碧梧却值清尊酬令節月華
如水露如珠
鸚哥催喚遠歸人雪棗冰梨次第陳風起不教簾幕下微香
已覺桂花新

奎將軍林總統伊犁道出西安留飲賦別三首

勃律河西幕府雄此心如日氣如虹不嫌萬里流沙遠早歲
天山已挂弓

單急輕裝付使車悲歌慷慨有誰如
竭來愛與公榮飲酒墨
淋漓蘸髮書

金盆月落暗長亭豪竹哀絲亦漸停
誰伴陽關西去路戲持
玉琰問秦青

附來詩

乙巳春過西安後寄蘭泉廉使

奎林

倦客看春尙有情嫩紅柔綠眼仍驚
風流地主緣何事不折楊枝贈遠行

題洪稚存寒檠永慕圖

洪君獨行伴曾閱高節稜稜絕哇吟
示我寒檠永慕圖秋霜

入紙生淒緊雲谿谿畔樓五楹紙窗木榻風冷冷四壁寥蕭

隱機杼一燈黯淡方呶嚶每宵喚起三更後魯論戴記皆親

授隔江驚醒捕漁翁太息商聲出林藪敗門荒塹依茅蓬

簾晚翠櫺櫺紅紡車側畔書一弓此景與我孩時同

禮堂先太夫人序云回憶三紀以前坐紡車側畔課兒讀書一燈熒

熒然與呶嚶聲相聞宛然如昨日事而榮悴頓殊信為善之

報也我今遲暮嗟無用空負當年勤課誦引經比事竟何能

青綾形管增悲慟如君鵬鷺迴風塵抱犢亡羊遯典墳三倉

風雨搜遺簡兩戒河山辨廣輪慈烏返哺雖難遂豈羨高檠

照珠翠棘下淹中望古情韋編鐵鑑思親淚范冉清修照古

今注丹學行冠儒林肯將紆紫拖金意為報春暉寸草心

送李侍御藝圃淑芳還蜀

顛賴今如此相攜不忍看孤高常自命辛苦有誰寬鐵柱聲

名重麻衣道路寒一緘傳我弟謂南鄭重給豬肝

蘇文忠公生日再集終南仙館作

戒期不俟卜筮簪裙展借來小雪天辰已久空先哲夢庚寅
猶記逐臣年千秋翰墨傳遺像像係趙承旨兩部絲簧薦廣

筵已約高齋常此會騎麟披髮定欣然

集廉讓堂送吳企晉之開封聯句五十二韻

皞帝矩已移德甫炎官傘未斂巾拭汗牀牀江寧黃之筆麾塵

冉冉端宜避炎歊鎮洋王開奚事歷嶮峻下榻方見招嘉定

少承筐豈容忝分張香良朋仁和趙話別列清簟嘉肴韞服

脩歙縣程珍果雜瓠瓠殷起在陽懷寧余鵬妻妻與有淦

涼颺忽偃林吳江史善殘旭薄垂嶂浮蟻情可欣妻縣楊之

歌驪意終慊念君脫簪紳來此理鉛槧建祀溯獲雞德甫從狩

論載儉昕鼓擁臯比巖膏考蝨檢經傳徐子公庵業授奚

容葳講堂竦森森山吟院華燄燄諸生懷鹿鳴晉邦伯慶鴻

漸命意噓孤寒齋危詞惕談儉唱諧協刁調扶笑劇破夢魘

春游舊共牽芬宵燕笛齊壓藉非舊雨邀山官使征塵玷往

迹溯遨游前期竟荏苒橫川拓軒櫺甫查閣架巖廣堆槃糾

雞頭巖燒蠟擘蟹曆時經陰更晴庵山愛重還掩王鳳階錢

曉微宮良所敦山張策時趙升之誰能貶譚執刮婢嬰晉審音

別厚弁嘉會詎可常齋知交實因淡廿年久睽孤扶三輔復

喞險自憐齒久衰芬兼邁疾頻染憧憧憂患增巖悅悅精神

歎浮萍嗟兩葉飛電驚一閃聞將去咸秦甫從茲歷河陝中

州應權衡巖古俗具規範瀝澗水如環庵峭函峯似陳晴靄

翳村墟山濃陰幕桑屨和會昔所交齋歲取近稍儉浩浩黃

流翻齊冥冥赤埃颺閭閻稀籬箐扶猷猷鮮耕殺食幾漉鳧

苾芬野僅賸蔓蘇溫詔下便蕃仁波寫灑瀨洵

慰望殷殷甫疇云德濂濂挑淤土旋疏星作埽木齊斬蛟鼉

馴奔騰庵鴈鷺絕慘澹鄭人愛罕虎少晉地頌樂壓雲龍復

相隨晉魚水良非諂名流嚴東有邵二雲親齊羣雅孫淵如

洪稚存娟選勝更躋攀伯琢詞付鐫鑿贈策已惘惶誦分襟

莫悽憐嚴關四扇闢山喬嶽千尋儼楮梧葉未盡種陸穗初

蕪纍纍負箱笈奕奕駕駢驪行殊隗適燕訪等戴居剡摻袂

圓月生長庚吐眩眩甫

鴈足鐙盤下刻云建昭三年考工工輔為內者造銅

鴈足鐙重三斤八兩護建佐博齊夫福椽光

陽平家畫一至三陽朔元年賜足下刻云後大廚共

六十一字

鴈足鐙一形模奇槃徑三寸高倍之厥底暨側鐫文辭曰漢

建昭三年遺省中考工工輔為右丞宮令職所治齋夫護建

咸其司博福光相名次垂迄陽朔歲星十朞陽平繼封菁土

貽後廚祕置嚴屏幃長安好時同遺規三斤八兩區豪釐勒

字母乃鑱金錐年深世遠罕缺虧蠟茶之色兼瓜皮名類食

器實則違大羹非可調芳滋想當禁籩鼉更遲宦官謁者相

提攜燃以朱火沃以脂金釭銜壁明彤闈酣歌恒舞干蛾眉

擁髻詎照長門悲渭陵多藝幾文思洞簫琴瑟工娛嬉掖庭

待詔歸荒陲新室文母本翠嬀絳緣諸子意稍怡丙殿甲觀

森透迤畫堂幸毓天人姿外家恩澤數不貲十侯五將雄宗

支將軍司馬尤崔巍當時賜出羣愕貽黃霧四塞遮炎曦豈

顧星第昭乾維稽古治氏精鑪錘攻金尙象伴丁俚聃諸鳥

獸靡弗宜殿名鳳皇繪參差觀號鳩鵲圖屢屨虎圈鹿館兼
龍池飛廉屬玉縈翠思茲仿陽鳥凌秋颺乃寫一足如靈夔
雪爪宛作鱗之而蹠屬相著愁翻飛獨渺翁雜見漢書郊祀志增光
輝當年雕刻誠何其射鴻臺燼蕪餘基或留蹤迹存依稀或
因屬國老牧紙端藉帛書龔蠻夷抑時水患方渺瀰取象中
澤多瘡痍賢寓意深然疑上林榮宮恐已隳首山蒲阪渺
莫追甘泉林華見亦希今幸獲此珍珣琪往客紅橋歲指寅
玲瓏山館花飴甜賓從動色來掄據定窰一盃熒熒暉樊榭
傑句人交推痛飲竟倒千畱犁廿年如夢欣重持生平嗜古
懷軒羲王子飢鼎高奴鼃伯彘類盤季姬匱木父已占單從
彝饗餐花甌蟬紋卮法物淪落艱尋窺西京古製良足私書
法矧復參高斯六十一字陳珠璣似篆似隸盤蛟螭斑斑古

質無邪敬李菊丁緩何能幾望古遙集生嗟咨九篇墨瀋爭
淋漓振三星巖少山晉齋誦芬簪山伯扶金夔齋升淵先有作繼聲援筆成此詞一物差
可覘興衰龍聲紫色火德移寧憶朱鴈登歌時

同作并序

大興翁方綱振三

述庵先生以所得漢銅鴈足鐙款拓本見寄其文
曰建昭三年考工工輔為內者造銅鴈足鐙重三
斤八兩護建佐博嗇夫福掾光主右丞宮令相省
中宮內者弟五故家又云後大廚又云今陽平家
畫一至三陽朔元年賜愚按此鐙與揚州馬半槎
所藏形式相埒而徑圍稍弱半槎所藏者予嘗見
其拓本中間云重三斤十二兩以今所見此文三
斤八兩正足驗漢代權量相去不遠而鴈樊榭詩

注乃云四斤十二兩則太懸絕矣末云護工卒中
不禁省此七字爲句其下又云某宮內者第廿五
正與此鐙中宮內者第五之文相應而樊榭誤以
某宮句與前一行連讀遂訛省爲首又誤牽薛尙
功鐘鼎款識所載蒲阪首山宮鐙之文不知彼自
在永始四年與此無涉也蓋半槎所藏者銅質半
蝕其文難辨遂致省訛爲首卒訛爲衣耳考漢孝
成鼎云守令史永省又大官盞云主太僕監掾蒼
省又綏和盞云主守右丞同守令寶省蓋省乃稽
察之義猶漢碑云察書也今是鐙字字完好且造
於建昭賜於陽朔一器中有西漢字二段尤可寶
也爰作歌系於後

厲徵君詩內者銘我見拓文未見鐙君今爲拓鐙款寄使
我矧誤心怛怛甘泉泰時修故事河東后土屢薦馨初元
以後閒歲舉不獨涓選更匡衡誰歟傅會首山祀荆山之
鼎朝萬靈賈慶造鐙在永始不合牽引來竟寧昔屢疑之
未敢質得此款記尤可憑其槃規旋徑稍弱漢權漢尺原
相乘底曰建昭側陽朔故家畫一於陽平前鐫後識歲一
紀八分小篆絲迴縈歐公恨少西漢字今乃一器雙妙并
陽朔之題更圓勁元尙急就篇初增半槎所藏字半蝕幾
被亥系紛訛承孰如此鐙底瑩澤燦若列宿捫生稜劉敞
裴煜不可作林華蓮勺誰能評我詩不憚諍樊榭君藏庶
可追廬陵

吳鑑南蘇門聽泉圖寓開封所作距殉節時已十四

年矣感題二律

水邊林下舊丰儀，末劫偏逢蜀道危。寧朔參軍亡尉靜，征西長史痛楊怡。礮雲墮地空呼戰，雪嶺連天失裹屍。烈士詞人君並擅，展圖風骨尚瑰奇。

中郎久逝典型存，覆醢餘悲忍再論。故里何繇歸鑑水，高情應尚戀蘇門。三巴望斷雲中戍，五夜思傾雪後樽。君在京師，夜夜過余。

邸舍論詩雖在雪時不輟差喜褒忠，恩澤厚。時其子方以廕補縣令入都好憑詞翰與招魂。

題蔣同知紹初業晉開逕圖即送其歸吳下

杜陵開逕昔所聞，近有繡谷傳清芬。憶我少時過君舍，招邀褻履窮皇墳。夙夢依稀三十載，君亦短衣淹絕塞。長安相見出斯圖，拭目目前游仍定。在貧管滿逕風蕭，森甘蕉葉葉生涼。

陰小亭翼然倚石角，君也獨立疑清吟。交翠書堂如可見，蘇齋只向西廊轉。梧巢隱約直其南，惜少方池水清淺。當時賓

從屈指掄虞山，王侍御長洲沈尚書齒德純。沈冠惠定沙斗

張策時吳企盛青鄭迂王鳳錢曉曹來趙升朱適徐作陳魁

君家哲弟升年尤少，玉樹瓊枝擅風調。邀客常開雪後樽，尋

山每放花間棹，至今駒隙送雙丸。宿草停雲涕淚闌，唯君絕

域生歸後，意氣猶能示據鞍。杏花春雨齋中酒，如雲喜見談

天口。我愧年來困簿書，鬢絲作雪悲蒲柳。指日抽簪計已成

乞恩當復返柴荆，好先寄語彭允汪大沈桐翹重向圖

中續舊盟

送淵如後有寄

南樓樽酒最清嘉，憶與興公手共叉。滿笈圖書常作客，半篷

雨雪獨還家游仙句曲窮幽勝聞笛山陽轉歎嗟謂黃仲則應向
江湖頻望遠河潼百丈聳蓮華

蘇文忠公生日招同人集廉讓堂卽事四首

又見簪裾集重瞻笠屐眞絳人留甲子楚客記庚寅磨蝎名
偏重騎麟迹未湮東湖相望近還擬薦芳蘋

華嶽三峯峻峩嵒萬仞秋雲山知不隔魂魄定來游香印梅

檀像松醪藥玉舟神絃傳致語髣髴繼商邱謂宋中丞牧仲

賈陸經綸在紅豆老人云東坡深歎賈誼陸贄之學不傳于世晁張意氣聯英靈如

可作名節至今傳南海飄零久西方願力堅憑誰吹玉笛招

取鶴飛仙

冰雪凝寒候煙霄陟降時神來玉局觀像擬瑞蓮池詩筆千

秋業廉頑百世師金梁橋畔會共望小峩嵒秋帆中丞曩在西安每冬致祀

今移節中州汝州有小峩嵒公兄弟葬焉必爲此會故及之

丁未

除夕

一樽蔬筍兩人同燭影幢幢待漏終自媿行藏渾未定已甘

貧病任交攻衙齋況味清於水賓從詩才氣似虹時謂芬以和詩見示

差喜瓦溝留瑞雪早憑鏡聽卜和豐

慈恩寺牡丹盛開中丞同幕府諸人並集

名花開遍鳳城西
簇仗鳴騶上客齊
風落珠璣生咳唾
香浮翰墨走雲霓
穠華祇覺春如海
酣適俱拚醉似泥
總是昇平同樂意
攔街聽唱白銅鞮

口號

猿亡楚國竟何緣
大索還因壤地連
正是星河好時節
明朝

一騎下藍田

七月十七日夜宿藍田行館半庵見過留飲有作

暫出青門第一程
故人解后又班荆
爰書初罷三千牘
危棧將盤十二崢
樂瀨敲湖游未遂
時以抵暮不及游湖川
玉山藍水志將成
半庵因修縣志在此
夜闌笑指如珪月
看取秋中酒再傾

秦嶺謁韓文公廟

終南太華高插天
劃開梁雍分星躔
東西綿互迨千里
中條太乙相鉤連
岐汧商洛亦映帶
深山大壑蟠雲煙
我昨奉使行藍田
南望此嶺心迢然
天雞未鳴促戒道
將歷阻隘踰崇巔
盤旋危磴八九折
松杉絕頂飄旌旃
文公祠廟倚岡阜
丹青榭梅開崇筵
下鞍繫馬入階阨
香龕燈火昭精禋
袞衣繡裳氣象肅
垂紳搢珽神明虔
當時上疏罔忌諱
潮陽瘴癘窮瀛壖
蝦蟇蝨炮作飲饌
鱷魚牙齒森戈鋌
生平學道足自衛
俛仰寧止生憂煎
相傳雲橫雪擁處
湘子幻術開金蓮
人天調御尚詆斥
肯以怪異歸神仙
唐人稗說喜附會
好瀆賢哲非真詮
鄉農伏臘競趨走
歲時簫鼓爭誼闌
坐受盼蠻此亦得
自與嶽瀆垂千年
衰哀再拜行別去
且恐疾雨來靈淵
況我得失知分定
巫恒不用占筵筭
神前廟祝出示杯琖之具故用公宿恒嶽廟詩句

由商州赴山陽作
稻香風露滿溝塍差喜農家歲事登秋樹青黃分五色楚山
蒼翠出千層長征鈴馱原如客垂老蓋鹽漸似僧余時最是
茹素
漏天情緒惡頻宵寒雨濕行滕

詠商山四賢

四皓洞庭居潔身乃避世迄今角里村煙波入鬢鬣何爲商
洛間高風亦宛在往來建成家應被留侯累終南有捷徑今
古同一嘅四皓
朝乘太白雲夕屆含元殿樂事萬方同陳詞類諷諫脫鞵乃
敢噴捧硯亦何羨行行過楚山峯巒愛葱蒨憑弔園綺亡與
誰共游宴自太
玉溪苦依人商顏頻駐足清辭狀絕景崎嶇宛在目收果猿

出林退香麝投谷一時乾驥子同工亦異曲人迹板橋霜朝

來見幽躅

義山飛卿皆
在商州幕府

翰林少英偉騰身入臺閣論古記恢張陳詞動審謬直道世
難容屢出到商洛一見蓮座書天涯感小畜千載誰知心像
贊長公作王元之謫居商州
蘇文忠公有贊

棣花鋪道中

梅峯楫路路逶迤秋氣蕭森軫客悲力不禁風黃葉墜色偏
宜雨碧苔滋仙人種藥畱餘迹高士清游剩舊祠有門
皓祠欲問
符菁東下路亂山荒壘成樓鼓

武關

少習山高夕照曛巖關直上接蒼雲道長豈免心千折逕狹
頻垂足二分自古雍梁稱阨塞當年秦楚屢懸軍昇平不用

春風堂集卷十九
三
九泥守戍析空煩隔嶺聞

苦雨

不信來陰地經過盡漏天灘高翻岸雪雲重壓村煙紅斃凋
楓徑黃低沒稻田蓬窗官燭底蕭颯更無眠

梳洗樓

傍有仙女廟

危逕時時斷疎林葉葉斑路通商雒縣水入夔川關風土仍
三戶人煙接百蠻羈愁憐野鳥日暮又知還

雒南道中

熊耳連雲棧雞頭舊日封治經秦內史郡入漢宏農溪澗條
條合煙嵐處處濃丹崖兼白石勝景不時逢

山木家家伐溪泉處處流空場鳴碌礪密樹語鉤輻頁未來

何衆誅茅意未休

時楚蜀人多在此墾荒

詰奸嚴令下哀柝殷層樓

白山陽至夔川關將由漢江行

老去空憐意氣豪羣山俯視等連鰲伏波仍試青驄騎博望
將凌白鷺濤暮雨欲來雲影亂寒江初落石棧高夔胡褶袴
生平事誰分悲秋學楚騷

過銀花河

苦竹叢深溜馬蹄山雲忽合雨淒淒繒關傍嶺青楓密槭峪
分流碧稻齊湘子洞深迷翠靄宜娘寨險接丹梯銀花東去
猶餘暖時聽清蟬隔樹嘶

上津舖

風東

處處楓林叫畫眉薄寒正是中人時江山莽蒼同秦棧煙樹
蕭條入楚辭石瀨忽鳴波似雪秋雲漸合雨如絲須添欸乃
孤舟裏蕩槳聲中唱竹枝

清霜點點上征裘策馬真成汗漫游偶爲乞漿煩走卒何須
搥壁問前騶關門無警長眠犬農事初閒已放牛江上人家
楓樹裏銅鉞早挂屋東頭

餘繪煙草花

會吟煙草

余向在吳中與同人作淡芭菰詞

見煙花澹白微紅數朶斜誰料

風霜蕉萃後絲絲還繞玉窗紗

仙娥礪

石洞中有像設

險絕仙娥礪陰厓一綫縈香煙時杳靄水石近琮瑋山月當
眉寫雲衣擘絮成清涼居士力安穩得行程編爲今廣西提督三德所修

白白水河至藍灘

涼風雖戒寒餘暄尙未變蒸爲十日霖濕雲蔽巖欄絲絲點

不開牀牀漏難斷津吏忽來言濁流漲清漢緣溪數尺高洄
流疾如箭我時仍發船灘灘闖瀆逆上次藍灘盤渦益颯
悍殷空雷霆驅觸石冰雪濺遠疑鷺鷗翔近偈蛟蜃戰長年
盡呼嘯小使劇顛眩出險乃斯須安危竟一綫我生驚遠游
所適駭聞見清浪暨江門性命付夢幻獨憐挽船郎百丈累
魚貫衝雨午未餐力盡泥沒胼

兩河關

在洵陽

前山忽露夕陽紅一道谿流兩處通河畔扁舟真似畫筠篙
斜纜小玲瓏

聞陞任雲南之命

足跡何能遍

時欲往興安

頭銜幸已遷計時將十載新任莅三宣

城郭昆明地雲山洱海天詰奸猶未竟欲去轉流連

至韓城望龍門形勢

兩崖對起高崢嶸巨靈雙蹠空中行懸流千仞快一瀉雷輶
電激何能平當年文命奠水土役夫百萬開縈紘風輪鼓盪
氣逆涌地勢長向東南傾伊列自通鄂勒索金沙別自趨窮
瀛西域三十六國水悉由北戒時虛盈河從火敦淖爾下散
漫點點疑晨星雪山鹽澤衆流合沙漠九曲交縱橫蘭州寧
夏出復入賴此約束歸方程我來霜後水正殺白沙沿岸生
晶瑩想當伏秋新漲日兩涯莫辨奔訇轟并涇包衛走豫竟
得不潰決懷襄陵雲梯關口矧淤墊芟薪竹楫徒經營邇年
屢決復屢塞乃荷 聖德通神明徘徊眺賞日將暮半巖祠
宇留丹青馬遷遺迹誰所勗清娛旁侍還娉婷河東河西繡
壤錯隔岸蒲坂連洛城萬千苔碣豈勝數籀書繆篆垂碑銘

孤筇他日擬再經層樓飛棟開軒楹終風凍雨送飛瀑坐看
龍鯉遙蹇騰

過新豐

未央宮闕久淪傾小市仍留舊日名傳說寢門猶擁篲何堪
戰地欲分羹粉榆雞犬衰年樂芒碭風雲故國情往事尙存
沾酒處一帘疎柳夕陽明

至青柯坪欲登蓮花峯風雪不果

宦游三載長安住玉女明星見朝暮無因結襪上蓮花一覽
欣同鴻鶴翥秋來奉 詔移昆明展 覲先令趨神京寒空
蕭颯過此麓快意積願今能成芒鞋早過希夷洞再歷雲臺
截高棟盤旋直上半山坪青柯巨壁當其空茲坪赤立拔地
開千仞三面高崔嵬解索劈斧畫難盡驚猿瘦獾何由階迨

迨一綫如懸縵上界蒼龍貫天井僕夫賈勇欲先登予亦蹇
衣思躡景同雲漠漠金烏斜北風捲地揚塵沙眾峯突兀渾
不辨雪片如掌飛天花鴛馬頻嘶驚獸竄導人勸勿矜精悍
空作文公訣別情且從墨子迴車歎須臾徑寸已成冰鳥道
崎嶇豈得行勝游自有因緣在願力雖勤未可憑邈邈河山
同一色此時風景誰人識安得吳興黃鶴樵直挂生綃彈粉

墨

黃叔明有泰山飛雪圖事見畫史

過平定州有感

一線添初日雙浮望遠山少看風色定未覺道途艱煉石傳
仙竈聞筇說故關侯芭今不見訪舊淚潛潛門人王進士臻
世久矣

故關

鴈陣寒偏緊騾綱晚更催路盤三輔近關接萬峯開形勢當
天險蒼茫失霸才生平來往熟不覺戍笳哀

聞竇東臯先生

光緒

復官

風采生平動紫宸忍看培克到疲民情當孤憤身何惜勢
到艱危志竟伸自是轉圜繇繡座獨憐掩淚徧冠紳小懲
大戒非無補聞說南邦氣象新

瀛臺觀冰嬉

雪霽雲消小隊開依然昔日侍蓬萊毬門弓矢三番接畫
舫旌旄五色裁汲黯淮陽常有願賈生宣室愧非才明農又
逐南鴻去鷓鷯何時幸再陪

曹竹墟侍郎招飲話舊

三年別夢一樽同話雨纏綿未易窮衣染風塵常作客鬢霜

霜雪久成翁深叨孔李交情厚命兄中履侍御坦辛已會試于所取士更羨楊
劉物望崇分手明朝仍萬里京華回首盼飛鴻

茶庵三絕時瑞應重暉相送於此

下得肩輿夢乍醒又煩軟語共叮嚀豈知粥飯茶魚地常作
勞勞送客亭

屈指殘年六十三秋霜兩鬢更鬢鬢盧溝冬月西風緊萬里
滇池送曉驂

晨星落落故人稀裙布釵荆兩地違誰識此時情緒惡風吹
微雪上征衣

真定寓梁氏秋碧堂蕉林相國故第也感成四絕
北戒河山湧翠巒太行秋色照檐端昇平休沐多清暇暮靄
朝雲挂笏看

逢時密勿著綸扉汲古憐才近亦稀收得牙籤千萬卷法書
名畫映簾帷

晚年石墨喜鐫華真蹟鉤摹十數家幸有侍郎能好事倩人
磨洗出塵沙相國刻秋碧堂法帖未成而卒其石覆在廊西絕無知者金檜門侍郎督學京畿過此發而視之乃屬太守洗揚遂行于世

名臣世澤絕堪哀不見臯蘭叱馭回相國孫調人名用梅為子門人嘗攜此帖相贈後為甘肅知縣今亦下世圖史凋殘彞鼎盡誰憐貞石委蒼苔今詢此石已移往他處

順德

征車役役歎塵勞遙指巖城已近濠平野沙乾浮白灑古城
霜重亂黃蒿飢鴉背日歸村急羸馬衝風望驛號欲覓新筓
謀一醉疎林已露酒旗高

秋帆中丞邀至開封置酒觀劇有作

清灞分襟乍判年官齋把盞更欣然人懷折柳時時別詩聽
甘棠處處傳季札又來觀樂地義山終憶大羅天終南仙館
猶如故風月何人棹酒船

襄城早發

紉如戍鼓未停撾馭卒誼呼促上車芻豆槽空號瘦馬鐸鈴
聲急警棲鴉蹊迴未識津何在月暗難尋路幾又龜手已同
并緝紉凍梨那更撲霜華

除夕宿建陽驛

龍坡湖畔卸行鞵雨雪蕭條倍黯然竹屋紙窗清不寐春燈
臘酒了無緣飄零八口音書隔蕉萃三冬道路懸獨對鄰牆
修竹外疎梅兩樹鬢嬾娟時家眷從
四川赴滇

望荷葉山懷明袁中郎兄弟

達材經世宙畸客營衡廬所適判大小樂志原無殊亭亭荷
葉山下映柳浪湖雲嵐共渺瀰竹樹交扶疎占此瀟湘景聯
築棧鄂居伯修官春坊畫省依香鑪中郎來錦帆仙令飛雙
鳧性情各蕭澹素尚歸菰蒲琴書親位置農圃商耘鋤往還
雜詩酒問答兼樵漁中年愴朝露名譽傳荆巫今我過楚北
冰霜上盤輿清游未獲踐懷古滋躊躇當時論詩旨刻意歸
白蘇苦吟轉蚓竅正類山澤癯風騷卽弗逮麤厲畧以除吸
光并飲淥靈秀良非誣非
常德晤錢通政東注禮時督學湖南中舍
三年不見歎晨風客路題襟感慨同白簡飛霜存諫院青衿
化雨徧鬢宮上方請劍驚頑懦出使埋輪效樸忠祇惜燈殘

言未盡詰朝分手又西東
沅陵道中望壺頭山
形勢壺頭峻人煙下雋餘喬松雲外雪春水礪中畚直道憑
朱勃讒言恨耿舒明珠非物產懷古更欷歔

晃州驛大雪曉行

北風厲發戰松篁曉起飛花滿石廊一夜盡封紅葉徑千層
齊現白毫光冰凝馬路蹄將脫冷逼狐裘指欲僵却聽驢綱
煙樹外霧濃月暗怨歌長

初至雲南使署

又持使節到昆明十六年來氣象更鹽井銅坑供轉運金沙
鐵壁樂屯耕蠻方易簡非難理吏牘勾稽恐未精差喜春秋
風日暖好將衰病養和平

得四川家書二首

蜀棧秦關得得行近聞小住錦官城誰知吳下香閨伴也歷
西南萬里程

千山屈曲七星長

橋名蠻草蠻花驛路荒料得此時寒食雨腰
刀帕首見官孃蠻人稱土司妻為官孃家眷由陝入川由川
入黔由黔入滇多歷土司之境官孃皆佩刀

出寨
迎接

汪殿撰潤民

如洋視學臨滇賦詩見贈次韻奉酬

京雒題襟近歲殘又聞使節度柔乾雲霄譽望推三絕華萼

聲名重二難

謂念孫
哲兄

金馬新霑文化遠銅龍先直
上書房舊直

主恩寬誰堪頭白淞南客賸欲投閒作橋官

舊游詩什數羊何初日芙蓉謝琢磨敢謂定文伴敬禮自看

新格重元和

時以尊甫厚石
吏部詩集索序

故園風味歸詞卷

題余三柳漁
莊詞最工

垂老心情示貝多承以書金剛經冊見惠從此官齋清暇日陽春長得奉聲歌

朱秀才林一桂自樵李來訪畱宿官齋有作

滇海鴛湖萬里程擔簦相訪見深情自憐衰病終無補敢謂文章老更成菰米秋風懷故里杏花春雨念歸耕虞文靖詞報道先生歸也杏花春雨江南嗟君潦倒頻年甚頌酒譚詩氣未平余所到輒以此名齋

輯銅政全書有感

莊山鑄幣古來稱開竈滇南數倍增萬里程途喧輓運四時錐鑿衆凌競米薪貴賤原無定砂礦高低合有徵採掇羣言資考證金曹他日免模稜

得楊進士西和書時主武昌書院講席

飄零書劍隔江濱寄我長箋別思殷幾歲關河勞遠夢何時

風雨共論文渚宮遺事增新詠楚國先賢績舊聞更憶青袍如鶴立譚經考藝正紛紜

寄壽子才七十

塵海嬉游七十年任人喚作老神仙西冷未肯隨和靖南徼偏能訪稚川時游羅浮膝下已生新玉樹閨中猶贖舊花鈿牛腰詩卷知增富再付侯芭次第鐫

雲南布政使署雜詠

蕭齋晚照餘稍喜塵蹤斷眷此如玉花殷勤對几案

禪悅齋

生平嗜名理適獲清淨居冥晦微香夕同誰說眞如

後樂軒

畫諾竟何功俸錢良自愧獨聞甘雨零差喜秋成遂

上平韻譽處堂書報景其觀遊香公同歸歸真賦

燕安寧自適老病又何思踟壁空堂臥常思阮德規

詠絮齋

炎荒冰雪稀祇有疎華映還惜謝庭空無人寄清詠時女粹卿先逝

杏花春雨書齋

寒雨杏花謝江南春色殘憑將羅帕淚一曲問吳蘭見蛻庵樂府

紫霞書屋

偶招青雲侶共契紫霞想絲竹間燈毬忽憶鈞天響書屋中聯云竹

鳴桃蹊喜花月滇南選勝同娛暇日銀燈玉筆記煙波趙北

賡歌會侍鈞天蓋庚子上元扈蹕至趙北口特命觀燈聯句見御製詩四集中

優鉢曇華亭

靜境阿蘭若名花優鉢曇往時留雪爪寫向小屏南余往為廣庭先生賦此花書於亭上

浮翠亭

五華暨太華面面煙嵐綠不上最高亭何由窮遠目

風漪檻

曲檻危亭對虛窗小渚幽游魚明鏡裏低映蓼花秋

竹月廊

逕迴草樹繁候晚煙霜靜坐待月華升露溼荷裳冷

清侯井

古井寒猶漲孤亭久盡傾疎梅叢竹裏心迹緬雙清

聞來殷學士計學使于廣東

忽傳凶耗是耶非知已傷心淚滿衣文采共推徐孝穆風流

誰似謝元暉少攜詩酒同青翰長侍星辰入紫微今日羅浮
仙去路何人收入盡珠璣時屬補山制軍輯其遺稿

廣通道中

淺滴槐陰露微寒柳葉風魚鱗收宿靄鶉尾展遙空月映層
巒碧燈深小市紅天然圖畫裏詩筆信難工

行抵楚雄得

旨以年老多病雲南距本籍較遠移

任江西恭紀

碧雞坊下雨濛濛忽奉

恩綸下

紫宮六十年餘仍瘴

癘七千里外惜疲癯花明湓浦人重到江接句吳路易通更

喜前籌今已竟昨聞貢使過岡東時緬甸已來入貢

往在長武遇李制軍嶽麓侍堯

忽誦予龍尾關詩怪

而問之云茲詩石嵌在大理官舍壁上聞係學使孫

令儀

嘉樂

所刻今過此關視之果然蓋令儀為子會

試所取士常求子在滇篇什子錄而貽之不知其出

今歎昔使時攜以南來刻于此也為之慨然著手摩挲因題

一絕

當年五字記從戎忽見貞珉刻畫工聞說行人常洛誦也應

勝似碧紗籠

過大理驗緬人貢物提督烏君

本

大經畱飲園亭

有作

南金象齒見蠻官軍府招畱竟日歡十載聲靈真赫濯三宣

耕鑿永平安人如萍梗誰能定迹託苔岑別亦難痛飲還須

澆大斗醉聽座下響飛湍亭在澗中石如鋸齒削平以大

厲石鋪其上其下泉溜鏘鳴雨後尤

暮雨望點蒼山

關風伏雨天濛濛我行回至鄧曉東龍尾關前午駐馬高閣
 直上開窓權翠巒廿九紛窈窕溪流十八交冲澗朝煙暮靄
 各縈帶陽巖陰谷殊龍葱候人謂此亘百里蒙氏中嶽加崇
 封升香薦幣勤祀典甘和應候徵年豐珠林蘭若互相望靈
 區畫靜聞巖鐘是時長羸正屆節蜀鵲百本殷繁紅寶珠如
 梓照欄熾紫藤屈曲纏蛟龍山坳文石畫水墨霏藍潑墨兼
 蒙茸或如梅花半映月或若芝草齊翻風叢林官署盡壘砌
 竟以人力誇天工去來屐齒限險遠安得名勝探無窮惟聞
 岑樓昔寫韻新都蹟在蒼琅峯窮荒竄謫尚嗜古前賢芳躅
 疇能同泥塗灑澗苦厲揭一杯懷古心忡忡牀牀簷溜暮更
 急千巖瀑布飛長空下注澗戶入西洱波羅江外鳴琤琮

纂成銅政全書有作

剔穴開巖藏去聲漸虛銅官積弊况難除莫嫌多出鈔胥手也
 是西南未有書

別昆明作

絕徼民風古樸多莫須束濕莫催科臨行要語諸君記安養
 生全保太和
 連宵絲竹惜分襟蘭若薰風酒又斟遙指清華池畔水算來
 難比別情深時諸君復餞望海寺
 持節牂柯只歲餘愧無德意到窮間鷓鴣哨外濛濛雨又捧
 名香送使車

版橋

版橋著名有三一在金陵說元暉有詩出新林
 向版橋者是也一在商州溫飛卿有人迹板橋
 霜之句一在昆
 明楊用修有詩

版橋三處並經行斜照東風送客程今日新林還跋馬數株
楊柳倍關情

關索嶺

大關索嶺高插天小關索嶺噴飛泉右手石壁削百尺炎風
凍雨來山巔亭侯當日不到此索也何自從囊韃或言諸葛
度瀘日驍勇常作諸軍先緣巖鑿徑出林杪一綫下繞蛟龍
懸圖經雖缺史已佚險厄猶在人爭傳我行况值新雨後蠻
丁百指聲謹聞蟻穿九曲雖得下詎免繭足還頰肩茶檣小
憩更回望半空雲霧猶盤旋

行次貴陽汪又新方伯新邀寮佐迎餞時提督許君

世亨由臺灣奏凱還黔同席

冰厓雪洞啟長筵舊好新知共盞然上將威名收海嶠詞臣

文采耀星躔時學政吳蓉塘壽昌在座比年握手逢迎數浹日談心意氣

聯酒半忽聞馳驛騎溫綸同喜又朝天九日詩批令

觀人再過飛雲洞

再過飛雲洞

飛雲巖石幾時飛朶朶終年伴翠微出岫自慚渾不定何年
真望故山歸

鎮安蔡太守宗建招飲

疎簾曲几暑風清雪碗冰壺喜共傾到處知交情意密長年
作客往來輕蠻歌啁唧陪歡笑谿石嶙峋感贈行太守以舟

二石以壓之他日登臨如見憶中和巖畔省題名輕取武溪

七夕寄渚紅前得家信知六月十二日抵鎮遠計今可到南昌

小別黃梅雨涼颺又悄然一鉤銀漢月雙槳楚江船風露何

會慣煙波祇自憐花洲風景地計日可沿緣

辰州途次

濃陰深處語鉤輈小西山前早放舟雨澹遙峯青似黛溪迴
新漲碧於油日烘蘅杜香樵徑雲入簷管掩寺樓多少玲瓏
三品石不容米老更旁搜

至常德聞荆州江堤潰決改道長沙有作

扁舟下衡陽慘澹風色變濃雲互開闔暑日屢隱現頗疑炎
暵時水氣奪晴曠忽傳荆門堤驟漲極凶悍激湍城郭頽惡
浪魚龍亂洪濤敗衙署餘浸絕炊爨異事古所稀災祲駭聞
見得毋吏治非降沴示禍患飛章上九重瘡痍塵宵旰
俞君提督謂我言驛路經旬斷迂塗由長沙行程庶可算登
樓試憑欄千里驚汗漫滄江南入湖色眩青黃半本嗟行路

難更切憂時歎豈能娛絲竹時俞君招飲觀劇方戒涉險難呼僮理
戢楫聊用具毳飯

登龍陽館舍後園

小有林亭勝清晨結襪游雲山工遠勢花竹作新秋風露殘
荷在村莊早稻收徘徊故人筆遺恨滿山邱扁為梁少司空沖泉書

卽事

輕巒淺嶂日初銜遠見秋空數點帆正是湖田涼氣早柳陰
珠露滴羅衫
水近滄浪路不分蠡湖西下水沄沄當年供奉曾游此欲問
風流向楚雲
未得銀鱸上釣鉤柳塘空自泊魚舟青菱雪藕齊登市更向
煙村問橘洲

嶽麓書院贈羅少卿徽五三十韻

清江迢迢似帶橫，亂帆片片如雪輕。荒灣短渚一機權，却望樹杪飛高甍。津人指點書院古，欲訪徽國瞻前型。芒鞋著落恐滑澁，短杖撐石愁伶仃。鴻臚少卿我舊好，麗眉宣髮雙瞳青。千里相思正耿仄，卅年憶別懷芳馨。相攜連襪入講室，臬比斯鼓懸前廳。湖湘上游古所重，文公昔日來綏寧。惠威孚洽，果不爽洞獠聽款，無畱停長沙士子夙好學。至是全集歸，礪淵南軒舊蹟稍薙廢，更擇爽塏開堂局。峩冠裹帶備禮法，講道論德除昏冥。別置額員厚廩給，方冀文學隆湘鄙。煥章忽召，僅半載操縵未滿，生徒聽知公英爽常顧此，所願後世承儀刑。朱子除潭州安撫語謂云仁心仁聞成惠孚洽年譜云長沙士子夙知向學及是學士雲集又云洞獠侵擾諭降之改建嶽麓書院本樞密劉公因南軒之舊而更今新之別置額員其廩給與郡庠等八月除煥章閣待制

君解蔽踰二紀，老成何異垂星鄉。大夫職本應爾，撞鐘攻木聲春霆。况聞丹鉛不輟手，考義往往窮羣經。前賢遺教定可繼，道味洵足祛羶腥。自來經師率老壽，願養會見登遐齡。我昔奉使按江右，側聞鹿洞依岩亭。豈知守牧奉故事，規條具揭誰能聆。生徒列舍頗闐茸，書冊度閣徒飄零。力思整頓，尚未得輒以憂去心。怍怍喜君蛾子善，時術豈無傑士揚。王廷俄頃中廚出，雞黍小飲亦復陳湘醪。日斜酒罷未忍去，再看菡萏干娉婷。時君仿濂溪意闢地種蓮數百本花開甚盛

減觀察榮青衙齋夜集

湖水湖雲繫短楫，重來把臂笑言譁。白鳥赤雀俱稱瑞，碧芷紅蘭尚作花。曲罷不知人欲別，酒闌猶認客為家。觀察子為子弟南明

之
分襟又向楓林去，回首層樓隱暮笳。

蒲圻舟中山水清遠偶成四絕

扁舟東下水雲閒
斷澗橫溪暮靄間
身在藕花萍葉裏
船頭又見小梅山

鷺鷥鷓鴣各成行
更有涼蟬噪夕陽
一頃紅蓮稻名將次秀
微風吹送稻花香

秋日城湖分外清
斷雲殘雨總關情
柔波如鏡明如鏡
合與詩人晚濯纓

楚天風物易銷魂
湖外人煙浦外村
依約青帘疎樹裏
與誰沽酒仿窪樽

東湖夜泊

一碧渺無際
秋潮近夜來
蒼然雲夢月
正對翠屏開
煙樹連吳會
風騷憶楚才
仙人乘鶴處
回首望樓臺

懷程荆南卽題其松寥山館詩後

淡雲遠漠漠
疎雨方蕭蕭
扁舟過澗浦
清泉路非遙
佳人歎早逝
玉佩難相要
行旆詩數卷
愛惜伴瓊瑤
蓬窗偶微詠
依然見風標
性情寄孤耿
素尚離塵囂
幽芬溢研席
雅韻分蘭茗
獨念仕楚南
煙水清而超
定於種花暇
哀怨親風騷
所恐冰雪文
日久雲煙消
棣華定無恙
謂令兄沅應與同傳鈔
續茲山水集永存松寥

至武昌寓江漢書院見楊西和史誦芬吳學使泉之亦至

雪浪橫江斷客舟
喜同勝侶晚登樓
最憐鴻鴈哀中澤
尚有魚龍混上游
昏墊難辭官守責
宣防深荷聖明憂
金錢百萬來天府
已遣元臣重借籌

已近中秋暑未清八窗盡拓待涼生經帷尚有絃詩侶時西和為
院長方注杜詩旅館誰殷授粲情謂誦芬世事蒼茫魂欲斷故人憤激
意難平漢陽滅沒雲濤裏難雇驟綱問去程

恨這箇關

古道塵沙靜方城戍堠長岡巒分北界形勢接南陽晉楚千
秋事吳曹百戰場欲求攻守蹟故壘久蒼茫

過信陽州懷明何大復先生

淮水秋透迤楚山曉婉變地在中原中秀靈篤名彥先生幼
神奇聲華動文苑時值詩教衰駘材竊詞翰振袂挈空同高
標溯兩漢昌穀差隨肩華泉寧足算聿承騷雅宗遺集信可
案後來肆譏彈蠅蟬互鳴喚況傳節義高更益詞章煥直諫
辨僉壬上書斥奄宦奮身抹友朋貶謫豈所患用此表藝林

庶皆立貞幹今茲過其鄉懷古輒三歎安得許子將詩劭亦南陽人
名言定月旦

夜行

正喜行程勝寧謀卽次安况逢殘月影已挂碧雲端燈火村
春急風霜戍鼓寒遠山蒼翠外斗柄已闌干

良鄉道中

遠火催征騎清霜點敝裘西風三角澱殘月半輪秋祇益衰
年病頻添旅客愁惟聞僣從喜明日度盧溝

兩間房作

朝來懷抱不勝情却指東華僅兩程終是旅人憔悴甚曉風
殘月便淒清

關河秋早起微寒楊柳陰中白露團疲馬不須加短策西風

落葉打征鞍

粉粥香資棗栗俱村僮闌路遠相呼誰知往日鷓鴣客又入

幽風小樣圖

長武舊鷓鴣
觚屬幽州

層穹絕壁帶沙汀每遇潺湲駐馬聽自是生平山水僻塞垣

蒼翠愛重經

熱河 召對恭紀

山莊秋霽奉傳宣 溫旨頻承倍往年豈有詞章叨 拔擢

詢及當時
考 召試

殿試 朝 愧非德器荷

陶甄涓埃莫報才先

盡瘴癘雖除病未痊最喜暫時陪侍從

翠華影裏屬橐鞬

時 隨侍進京

遙亭

山勢遙連塞人煙本近畿雞鳴桑下屋牛臥棗間扉雨後場

初築風高葉亂飛石渠清見底正擬浣征衣

紀曉嵐少宗伯招諸同年夜集

萬里歸來謁 紫宮霓裳仙侶此宵同分離既久情難盡振

觸多端語不窮琴鶴無能宣化雨蓴鱸有夢待秋風西江幸

與東華近時盼音書寄楚鴻

白溝河是日霜降

西風欲起澹斜曛白草黃沙望不分聞說昨宵霜信到已看

寒意滿山雲

東光驛

雞唱開朝旭鴉啼警夜霜菰蒲雙淀迴樺柳十圍長屋繫黃

團重鑪煨紫芋香晨餐猶未得且與乞壺漿

新橋驛

渺渺秋霞盡脩脩夜色澄已聞村戍柝少見驛樓燈酒敵風
霜苦香從翰墨凝壁有徐壇長行書甚工塵勞何自解睡思已膏騰

柳泉

亂鴉哀鴈峭寒天燭影幢幢宿柳泉屈指一年行萬里明晨
又上楚江船

濠梁驛

曉發濠梁驛煙波望不窮蘆船帆上下茅屋路西東村店三
叉隔人家二舖空簪簪隨處有魚樂亦難終

紅心驛

衰草寒蕪驛路荒茸裘已敝不勝涼丹楓烏柏紅心驛始覺
淮南早降霜

自清流關至醉翁亭二首

青蘆黃葉遍巖阿如此稱關豈足多莫怪歐公誇武畧劍門
雲棧未經過

空亭寥落接雲煙琴石梅花迹宛然可惜蒼龍能嘯月子家有蒼龍嘯月琴乃北宋未經攜取寫流泉

至江寧同年劉方伯松崦增袁觀察春圃鑑招飲瞻園

舊雨晨風判歲年題襟把袂各欣然園池最好中山第樽酒
偏宜小雪天黃菊未殘猶旖旎青燈半爇尙畱連匡廬雲樹
秦淮月政績他時得並傳

太湖道中

拂面難禁料峭風秋陰漠漠水濛濛轉灣添得淒涼景柳葉
微黃蓼穗紅

楓香驛

風雨曉淒淒驚禽咽又啼
柝殘深巷北燭燼小窗西
春酒寒蒞下鄉書淡墨題
楓香亭外路半蒞玉驄蹄

過停前驛望蓮峯有作

五祖山上有池生蓮又名蓮峯

少誦杜陵詩白業師
祭可余亦慕黃梅
皈依願已果今經破
額山招提近道左
昨宵微雪零巖境
浮雲鎖林樾翻宿禽霜
重落松果惟聽精舍鐘
遙趁郵亭火

潯陽驛

水接長堤路風寒小雪天
九江真縹緲十載更河沿
碓響前溪屋柳鳴隔浦
船昔游殊草草重到意翛然

德安

敷淺原邊路煙巒入畫圖
關津西接楚舟楫北通吳
雨霽雲

金輪峯清景渺千狀

臘月二十一日招翁學使振三及曹仲梅

秉鈞

家若

農金寶函

鴻書

施錫蕃

晉

江子屏

藩

汪上章

典

吳照

南照

何夢華

元錫

諸君小集

官齋鎖印趁閒身
蕙草香中笑語親
澹月微雲風景別
春燈臘酒歲華新
總持儒雅歸名彥
謂學使嘯傲溪山屬散人
謂仲梅勝事良辰難並得
擁爐勸飲莫辭頻

卽事

幺鳳聲聲夢已殘
又看翠竹影團圓
樂起來小啜釵頭茗
偏喜西窗送嫩寒

歲暮消閒意味長
更無鈴索響迴廊
山僮莫訝銀鳧冷
正愛梅香與蕙香

茗戰相約明年暑雨行來看蛟龍鬪深澗

棲賢寺夜宿

霜濃月亦苦朔吹宵尤寒沿緣入梵刹始得開心顏香廚出
盥漱蔬筍供盤餐飯餘攬夜景列岫遙迴環嶄然五老峯離
立青雲端松杉數百本影作蛟螭盤山僧示舍利寶色猶斑
爛真贗豈足論供養期無殘相對道心寂投榻從茲安杳杳
地籟淨隱隱鐘魚闌微聞階下泉敗葉相淙潺

晚至歸宗寺飯有作

山色蒼然微陽在層嶂瀏瀏緒風寒漠漠凍雲漲聞鐘趨
招提稍見禪燈颺茲傳右軍居方池尚流漾長廊遵透迤妙
墨樞跌宕還禮佛前香頗悅伊蒲餉山僧兩出迎清譚獲諧
暢空林法鼓鳴遠火前騶唱勝踐虛宿因宵征愧塵障回瞻

春融堂集卷二十

青浦 王 昶 德甫

杏花春雨書齋集

六 庚戌 巳酉

初八日復邀振三及仲梅諸君官齋小集

頌椒翦韭近初春

初九日 立春

又向蕭齋集上賓小院鑪溫梅蕊

足長天雪霽月輪新江湖秀合文章聚吳楚朋來意氣真轉

益多師裁偽體西江詩派好重論

題余伯扶黃鶴樓卷卽送入都

仙人一笛橫高秋我曾躡屐登其陬闌干十丈插斗牛俛仰
江漢疑浮漚黃塵剔翹歲月迨大颿北渡乘奔流回望詎免
勞心妯遂君浩蕩真鳧鷗選勝矧復借鴻儔西和稽古譚姬
周誦芬下筆驅曹劉君亦騰蹕超驂駟振衣脫帽風颯颯荆

門郭渚一覽收慷慨懷古長嗟謳畫史再倩張僧繇尺幅宛
帶煙雲浮榻來日躔鄰降婁訪我官舍存崩縵輕裝將做蘇
季裘傳教誰問張憑舟舉圖出示辭咿嚶欲得詩句珍瑋琤
嗟我垂老行歸休詎能筆力回戈矛昨者萬里來西洲登臨
差足誇前修滕王江閣黃鶴樓岳陽萬頃堆蛟虬江山如此
冠九州惜不連襪窮雙眸鯢鵬並作逍遙游君今僕馬指薊
邱射策定擬居上頭八九胷吞何所憂三千鳴止期相酬

題宋綿津先生畱開先寺小照次原韻

披衿脫帽自孤清玉貌傳來歲月更知是安心歸法喜不須
漁弟與樵兄

滿逕松杉圍夜月半溪冰雪咽寒泉棲賢我亦曾投宿學道
輸公一著先

憶舊寄禹卿

小長干與小秦淮每憶生平步履借絲竹尙耽三閣曲香燈
久奉八關齋最憐幾載音書隔終惜雙飛羽翼乖臨汝新來
無恙否冬郎東有玉樹已長埋懷子才並

韓明府暢歸太湖屬訪明蕭伯玉春浮園故址

扶輿祕清淑聚爲人中仙性情託山水吐納含雲煙臚仕非
所願林麓爲因緣我慕蕭太常夙慧研丹鉛結佩歷清要晚
隱柳溪邊松篁旣茂密島嶼相洞沿如螺小翠黛倒影當清
漣俗無門外客配有閨中賢繙經香漠漠放梵禽翩翩滄桑
蹈行邁旋以歸人天昔讀春浮記望遠時悠然茲來游未遂
忽忽心旌懸君今令其邑仿古信所便名園想無恙花月猶
芳妍作書來示我舒我情悃悃且爲勸後嗣文史勤承先

南昌北蘭寺中有綿津書屋蓋牧仲先生撫江西時

嘗率賓僚觴詠於此故名今扁額雖在遺迹渺然適

余過廬山獲見先生小像令工摹繪供於斯屋并借

汪書年蔣藕船知讓家若農貧蘋藻焉

最憶西陂老長依竺法蘭清游仍往迹野寺俯迴湍蘋藻真

宜薦香鐙取次安高風千載慕非獨愛煙巒

玉貌存初地摹來著此亭定教虛室白坐對遠峯青月映尊

前燭雲移竹外星攜朋歸路近法鼓隔林聽

將去南昌重游煙江疊嶂亭題壁

屢思京職敢求安總為衰慵報稱難何幸又隨鷓鴣侶長聽

玉漏侍 金鑾時以刑部侍郎召用

虛亭深屋繞迴廊雙鬢重來盡著霜如此江山仍話別何時

掃地更焚香

烏衣畱客正呢喃南浦離魂更不堪可笑東君歸緩緩好風

先與送征驂 時立夏係四月十一日而予於初四日起行

開過梅花又杏花緗桃穠李更繁華茶蘼風裏重回首更惜

將離數朶斜

自德安循廬山至九江作

曉霽遵江行江平風亦善沿緣敷淺原柔波淨如練雲中五

老峯依依更相見相見未忍別祇覺離愁縮并懷鹿洞前青

衿習文翰靈區雖可思赴 召豈容戀維念三峽橋銀河挂

天半懸厓雷霆驅赴壑蛟螭變良游昨已約勝地何由玩渺

渺柴桑村煙嵐倍葱蒨所以十八賢辭榮愛蜚遯今茲過未

能挂笏屢悽歎興盡日欲斜潮回響葭亂靜聽鼓迴帆言就

魚蝦飯

重過潛山

四面煙波一葦杭江城風景未全荒繞籬藤莢垂垂紫隔壟
臺心冉冉黃珠璣鳴場將刈麥桔槔厚水待栽秧白沙翠竹
鄉村小又有幽人葢草堂

靈壁道中

廉纖雨過水雲昏黃土青蕪半掩門誰識田家生計苦捕魚
放鴨養雞豚
荒灣斷港水如煙初過黃梅五月天十頃荷花猶未放柳陰
已繫采蓮船

楚雲淮雨澹將收換罷輕衫更倚樓騶子催行還不忍故人
詩句在牆頭陸尚朱石君吳
冲之諸人詩句

滕縣所見

遠山如笑復如顰不見花開白似銀用李長
蘅句却羨鄉村風物
美蒸梨炊黍餉西鄰

兗州高太守佩紱

宮壘

留飲署中話別

香凝畫寢正清和拂拭緇塵跋馬過兩地相思言豈盡一樽
共對飲亡何馳驅已老功名薄鬢髮全彫感慨多日良忽忽
還就別知君伏汎尙防河

景州

濃陰如幄護窗紗猶有茶蘼半架花卻憶去冬風夜起茅簷
雪片大於鴉

至京借寓勾欄衙是桂林相國舊第

經歲馳驅未有家歸來賃宅近東華得容車笠情先慰畧度

琴書意已奢尺地舊傳盤極馬數椽今喜傍宮鴉前賢儉素
風堪仰便是平津不待誇

扈從 避暑山莊

肆武 新猷壯來王舊制存路先梅雨潤晴覺麥風溫水滿
金鉤淀陰濃石匣屯據鞍兼橐筆佳話喜同論

兩間房即事 時江蘇巡撫奏報得雨

自別江鄉又七年每懷靈雨兆豐年今朝望見 天顏喜
已報和甘遍大田

畿東累月總晴曛請雨經聲比屋聞 先時頌大雲輪近請雨經僧多誦之

午甘霖應有兆東風吹黑嶺頭雲

小寓

莫訝三椽陋能容一榻安虛櫺宜晚讀曲突備晨餐豆莢花

猶發槐陰葉未殘還邀珂馬客於此小盤桓

恭和 御製啟蹕幸避暑山莊即事元韻

雨暘應候信無差澄霽郊原奉 帝車聞入仙賞當晝永

身依 清蹕是 恩加 自乾隆丙申隨侍木蘭已閱十三載矣茲由江右還京奏請 扈從即蒙

允 塞山遠列煙巒麗葑屋歡騰景物嘉聞說釐楚真倍獲

豚蹄操祝願寧奢

恭和 御製出古北口元韻

驛路四程通古塞邊垣幾折傍巖關奇看雲起千峯外爽在
風生萬馬間此日趨塗誇談蕩前朝重閉尚辛艱詰戎柔遠

紆 宸念莫謂憑高野興閒

恭和 御製至避暑山莊即事元韻

年年望 幸動輿情玉塞神臯喜氣生已仰 樂山兼樂水

知逢宜雨更宜晴 宮牆數仞金絲備書閣千函典冊盈總
是 鴻猷超邃古親瞻 鉅典快交并 熱河建文廟及文津閣藏四庫全書
皆前所未有

恭和 御製西峪元韻

澗卉巖葩護石鱗綠陰長夏尙如春翔空幽鳥皆知樂閣古
喬柯不記旬風動南薰先解愠雨餘西峪早清塵 對時端
為覘元化詎是 宸游賞玩頻

恭和 御製題秀起堂元韻

中峯選地構山堂奧曠兼之迴勝常花鳥有情周四季煙霞
無盡亘三商 劬農念穡欣新霽 稽古陳書適午涼宜畫
宜吟最佳處更欣 籌筆定遐方 時西藏巴勒布平定

恭和 御製留京王大臣奏報得雨詩以誌慰元

韻

麻和久已洽 天人又獲甘霖恰淡旬三輔桑麻均被澤
千村蓑笠競徂畛從知葑屋占秋稔真慰 深宮望歲頻自
此五風兼十雨應期送喜始庚寅 閏五月初五日庚寅 聖駕啟鑾

恭和 御製山莊卽事元韻

夕霽與朝涼 山莊景勝常稻梁欣並茂魚鳥樂相忘日永
林陰轉和風刻漏長幸依 游豫地素食轉迴遑

恭和 御製游獅子園元韻

禁籞初晴曉露乾又逢 翠輦度層巒經營豈藉高人繪 長洲
獅子林為元倪瓚所創 震迅疑從佛地觀花近秋辰增舊麗鳥依 靈
園樂飛翰新涼未奏清商曲已被松風一再彈

恭和 御製題宜照齋元韻

鬱葱佳氣此盤旋雲影風光滿目前景以時宜供 鑒賞機
因 坐照更安便寶珠在握均能現智鏡當空不待研仰識
徇齊符邃古 至誠先覺總超然

恭和 御製將軍鄂輝等奏巴勒布歸順實信班

御回藏事宜詩以誌事元韻

萬里明駝奏撤兵 皇威寧復阻遙程適如其願真知感

不戰而降始見誠雪嶺烽煙通遠貢巴塘輪輓息邊氓西南

送喜同時到應識番蠻念慮忤時安南國王阮光平亦遣使入貢

恭和 御製題澄觀齋元韻

水石林巒盡可稱 高齋游覽歲頻仍地經 典學茨

階古聖祖臨御山莊常 召儒 御纂諸書義取陳謨寶額承內

書惠迪 吉扁額惟仰 大觀徵感化豈將真覺契宗乘天倪

道妙忘言處境與秋光一樣澄

恭和 御製觀瀑元韻

無聲忽有聲眼識何由到用以證耳根鏗訶任飛瀑返流能

所忘豈復見巖嶠從聞思修通獲觀自在妙仰知 至聖

心一體普圓照

恭和 御製清閼閣賞荷元韻

碧沼波澄秋已到紅衣香盡暑將除宛疑高士山間屋恰對

先賢水際藁舊植 上林增沃若新沾 睿賞覺華子吟

風弄月無窮意妙契 宸襟更自如

恭和 御製立秋日疊乙巳詩韻元韻

爰官猶見馭義輪梧葉飄來積算真玉魄尚圓纔月望六月十六

日望十七金鞦漸爽正 時巡風迴 仙館添涼意雲斂遙

山淨色身

蘇軾詩山色
寧非清淨身

甘雨既晴晴更好豐登取次報章頻

恭和

御製七月朔日元韻

入秋半月消殘暑合朔初辰放快晴夏末正欣山雨足禺中
旋露日光晶珠杓星轉移鵝尾玉塞風高佇鹿鳴仰識西成
欽若意總期多稔樂羣生

夜雨

四山雲漠漠一夜雨浪浪想見秋田足平添客舍涼青蕪連
鹿柴碧藻上魚梁祗益天顏喜京華有報章

灤陽秋日丁祭奉

命祭 啟聖祠

闕殿森嚴曙色融恭承

主祭禮儀崇勇因懸布推鄴邑

典重升香按頰宮桓戴遠傳先代澤顏曾同起舊家風塞垣
俎豆千秋少襄事殊欣步履同時韓城相
國祭前殿

恭和 御製安南戰圖六律

籌邊本為軫孤瓮

因黎維祺失國來歸
故遣王師接之

繼絕何能息義征尙

念昔年勤職貢非因遠畧事佳兵鳴笳疊鼓行營壯椎髻穿
胷夾道迎邊決不須勞 禁旅粵南軍已播英聲嘉觀詞
詠戰圖

龍驤千隊出關門將校飛騰矢報

恩破膽先驚騰羽檄竄

身何敢返蠻村俘擒忍盡羣鯢戮反覆難容狡兔奔

安南協
鎮陳名

炳見機變懼亦即歸順總督令其回糾義勇仍為阮
氏任用領兵為我副將慶成伏兵所擒解營正法 誰是行

間宣力最弓刀褒鄂有賢孫慶君請逆將軍孫思克
會孫三異柱右戰圖

奚愁鋸齒與吹唇直鼓前茅指渡津五夜煙雲移赤幟三江

風浪靜朱垠

市球壽昌富良
為安南三江

因糧儘足資軍竈編竹猶能抵

戰輪徼外允泥寧可恃疑

禧賈勇合天人壽昌江
戰圖 阻險方矜弗克攻出奇上副 睿謀同偶紆間道疇能測

直越浮橋勢倍雄編後蒼茫乘夜渡裏糧踴躍赴戎功蜂屯

市球江

蟻聚成何事芟刈分明等蓋宗

甲首頻俘大小良臨江士氣競蒸皇入城撫眾功真戴下

詔班師計更臧蝸觸互爭難自立牲牢新祀表遺芳

以賈勇 威稜遠屆羣蠻震屢啟重關乞降祥

偃伯靈臺慶洗兵金泥玉冊 許歸誠亨衢遠徼容趨

壽宇清秋仰集禎北塞共球方並獻南交文軌更同行

猊炳照丹青裏重荷 奎章奕世榮

八月十六日夜

月比前宵正人歡此日停邀朋馳裏裊留客倩瓏玲樂供

虬卵 用昌黎句 箏彈白雀翎銜杯思往歲烽火尙零星

題洪舍人桐生 梧所藏其兄伯初太守詩冊四十四

韻

三洪並雋逸珠樹森天都長者與我舊縞紵廿載餘淵源在

大戴 君莊事戴 編修東原 墳典供菑畚獻賦上 行在 特命 金

鑾趨我時尚內直 祕殿聯襟裾青綾對短榻彩筆依方疏

謂我孤竹馬老矣能知途執經每鞠脛授簡同喁于中間忽

雨散落月空梁隅君持英蕩節校士臨荆巫我亦赴巴蜀尺

素憑雙魚每來數百字細密同真珠上言雲夢澤厥浸通江

湖由來屈宋地宜產風騷徒下言諸生某志在窺典謨三禮

暨三傳背誦疑神輸儻其所業就堪與追黃虞發函讀且歎

教澤真覃敷庶幾兔園冊胥作麟經圖俗師刮檣昧古義摻

根株我旋憂歸里起縮秦關符承明不相見君已專城居生

平本耿介勵志宗顧廚卑疵良不屑峻潔疇能滂不軌有必

斥非種行將鋤我適過清苑衆口滋紛掣刺天作萋菲大府
爲躊躇我謂君誼士誦法循詩書寧甘蠶叟蠶非比愚公愚
作書并寄君掾弊宜舒徐從容去操切次第謀補苴排解幸
有濟湮鬱終難攄遂疑弓影挂終致靈車徂維時在六詔聞
信深歛歔哀雖悲宿草奠乏陳生芻茲來晤駒父涕淚填隴
嘲示我昔題句五字清而腴想當茶亭路弔古停肩輿投閒
羨逸翮走世勞頑軀再三緡蝨冊儼見吟情孤君今去五載
宰木森荒嶼海山暨兜率游戲理豈無獨有後死者感激心
煩紆援毫作調語聊用陳區區

奉

命讞事新安

在保定府

地接邦畿近人緣讞事來水仍分四股迹已昧三臺蜃蛤生
涯苦荆榛老屋頽更求雲宿舍約畧指蒿萊

國初孫鍾元先生曾居此

渺渺通長淀汙汙會直沽塗泥難作又黍稷久疎蕪欲計安
全策須知久大模鞭笞清訟牒還擬究良圖

按虞夏時引黃河循太行自北而東至于涿水分九河以殺其勢復爲逆河以歸于海其餘衍沃皆可資種食河西而南魏晉六朝以至遼金皆精水利足供民食雖南北分疆未見有運南方之粟米供給北方者自明初開會通河運濟以實京師而北方水利久廢昔日九河今變爲三十六淀七十二沽千里內外沮洳淤澱海門又復狹隘不能迅速歸墟是以往昔膏腴悉歸蕪沒窮民求正往與吏胥爭訟今雖薄懲究治亦終非上策也

錢少宗伯坤一以孤雲處士

元王振鵬

梅花見贈

江空雪淨一枝斜不傍漁家並酒家正是孤雲孤絕處花光
禪派有誰誇
界畫當時重上蘭高情著意愛清寒寄來正值梅如雪酒熟
香溫對榻看

東安門外口占次翁閣學振三韻

曉侍 鑾輿魏闕東女牆遙望日輪紅
畦將生綠春光早戶有瞻黃
慶典同婦稚駢闐清蹕外旌旗繚繞遠林中歸時風景知尤勝
鳳帽輕颺六尺蓬

白澗道中遇風次玉閣學閨風保韻

噫氣朝來發調刁雜樹聲塵清馳道肅曙啟曉雲橫騎從旁依澗人煙漸近城
和鑾此際聽遙和野禽鳴

登獨樂寺閣次振三韻

傑閣岩巖次第攀擬從星斗叩天關
仙靈翰墨依稀在觀音之閣
四字傳是太白降此書余二十年前所見頗帶行意今修改失真矣
畿輔河山指顧間座上香雲迎
法駕空中鐘梵悟塵寰一樽竹葉真如夢曾記僧廊

解珮環甲申隨輦過此與張侍郎懷月飲長廊下今侍郎下世久矣竹葉青葢葡萄酒之佳者

恭和 御製經雄縣城南因命加賑有作元韻

輦路透池紫淀餘燕南秋潦偶停瀦茅檐近已安耕垡
楓

陛猶殷念澱淤 恩詔屢銜 天上鳳生機全活壑中魚

恭和 御製思賢村行館四疊舊韻元韻

故居今已作遺祠今祠即韓嬰故居 功在儒林不朽宜千古常山存

絕業一時太傅領清資空聞後裔能言易漢書孝宣時涿郡韓生其後也以易徵待詔殿中曰所受易即先太傅所傳 尚有遺書見說詩謂韓詩外傳 考古思賢窺

睿念欲將經術契無為

恭和 御製命截畱漕糧三十萬石於北倉以備

直隸賑恤之用詩以志事元韻

和鑾本挾惠風行備賑猶蒙切 聖情蒞屋佇看雙穗喜
神倉又截十分贏決排策早徵輸速蠲復 恩多市價

平野老豈能知 帝力多方 宵旰為羣生

恭和 御製紅杏園七疊前韻元韻

園以紅杏名花紅照 瑯輦地當樂壽縣境似華林館同此
藩邸開獨為傳經顯迄今逾千秋望古情彌展 堂階畱古
意書冊適閒遣兼有綠楊風泠泠晚尤善

恭和 御製德州過浮橋作元韻

東省頻年報有年萬家煙火倍從前固知富庶能成此應屬
恩膏屢沛然齊乘舊通三輔近禹津直下九河連黎氓
歲歲瞻 雲切爭向蠶梁俟旆旃

恭和 御製降旨豁免山東緩徵積欠詩以誌事
元韻

聖念民依在有年尚虞通累自從前緩徵早荷 仁施渥盡

豁尤承 惠澤全 隴地滋容犢臥桑牆日暖伺蠶眠齊風
魯頌歸熙皞均受 天家景福駢

恭和 御製賦得野合時雨潤元韻

輦路春融日村原曉霽天墮楚初掩冉嘉澤已芳鮮節候桐
華始和甘穀雨先如膏滋繡壤似露浥桑田觸石堪徵矣清
塵共快然紅霑桃競坼綠盡柳將眠 郵治登三五豐穰兆
十千敬惟 時若意作肅塵彌虔

恭和 御製再題曲陸店元韻

云云浦澍滙藹藹村莊明猗與衍沃壤富媪資馮生此疆隸
平原奚有曲陸名推本九河舊水國殊郊坳面勢互縈絡計
里交縱橫古人因取義實足副其稱標題固附會辨難亦紛
爭 俯察揭妙理永以示筆耕

恭和 御製雨元韻

又值廉纖雨真滋稼穡甘地猶留宿潤氣已應春酣似霧濛濛合如膏處處舍和因民志樂溼爲 聖恩覃麥定歧成兩時看月紀三滿車甌窶祝良慰老農貪

恭和 御製靈巖寺七疊前韻元韻

尋幽愈見山堪樂標異真知地有靈隔嶺初陽斜見塔臨崖瘦樹半依亭穹碑笏立青苔染祕竇泉深翠色渟屢次 春巡邀 睿賞直將 奎藻寫真形

恭和 御製賦得泗濱浮磬元韻

清泗鍾精粹琳琅不帝過斷來供縵樂懸處配登歌昔產由靈壁新規出玉河鼓諧嶷坎坎簫協鳳娑娑博股因時應清揚得氣多浮筠良足貴拊石自殊科堵肆春官考旁尚巧匠

磨從茲 虞陞上天地契麻和

恭和 御製行館元韻

茅茨松棟望非遙老稚歡呼雜庶僚 行幄雲開晴旭麗征衣風定薄寒消 批宣閣報何妨晚捧出 奎章每及朝克儉克勤昭 郵治四時玉燭萬方調

將至濟寧寄黃同知小松 易次振三韻

書札頻年屬雁臣百朋惠我拓貞珉漢唐寶刻接殘本歐趙風流得替人河嶽正當臨勝地琴樽端可浣行塵 屬車清暇同連袂舊侶新知意倍親

振三以北廬詩見示蓋卽今所云帳房也次韻

羶帳穹廬詎足誇幕天席地任生涯塵來恐不禁風力疏處偏能露月華數幅縫成供小住幾竿搆就便成家多君仍此

揮椽筆到處人疑貫月槎

聖駕躬詣孔林行釋奠禮奉

釋奠 宸衷肅升香祀事隆神龕崇四配雅樂奏三終

主鬯昭精意循階共鞠躬尊師開典禮錫 命逮臣工奉

爵分行異隨班屏息同鼎芬煙暈碧燈焰燭搖紅簫管陶斯

詠牲牲潔更豐尚賢宏聖域考道啟儒風養氣傳心法仁民

黜霸功趨承咸穆肅視聽益昭融永作 時巡範均因至教

充蕭薌虔告備旭日耀圓穹

奉 命祭少昊陵及先賢顏子墓仲子任子祠

金天陵闕接丹梯喬木陰森鳩鵲窳古元功侔五帝 時

巡祀典重三齊萬年弓劍神靈護十丈碑銘 御墨題瘞

玉焚香歌競奏似聞淵樂振雲霓

少昊陵

崇祠肅穆冕旒懸竟國階墀告潔蠲仰見行藏符至聖能將

德行冠羣賢簞瓢一室生平樂邊豆千秋禮制度祭告已終

還仰止歸仁克復倍拳拳

顏子祠

長劍高冠氣象雄揭來瞻拜仰英風知方有勇才原裕入室

升堂德亦崇井里舊霑清濟潤帆檣遠望會河通登臨想見

貽謀遠肅客荷衣便不同

仲子祠在仲家淺時賢裔貽熙年僅十四陰襲五經博士來見風度

甚端

英靈千古是湖湘禮重先賢考舊章請業憶曾來曲阜崇封

猶記在當陽金絲並奏兒童樂牲醴同登簿尉忙

時僅有佐雜二人執

事祇覺任城雲樹近欲尋譜牒已荒涼

任子祠

寓顏孝廉運生 崇榘 書齋賦贈并示孔舍人信夫

源二首

政簡 行朝暇春深淑景長高齋煩灑掃退食足徜徉竹院
琴樽淨琅函翰墨香羣賢如晤對繙閱意難忘蓮生藏國初名賢尺牘

凡三十餘冊
真大觀也

遙憶京華侶空嗟歲月逾經傳千世澤孔主事體生繼文記

五陵游孔編修衆仲廣森爲子記陶然亭
雅集卷駢體甚工二人皆先歿妙墨欣全刻遺書

待徧求信夫爲張文敏公館甥前刻其
書爲玉虹樓帖又刻鑒真法帖何時恣賞鑒同上玉

虹樓

青縣時奉命同樹齋
尚書赴高郵謝事

將隨 玉輦向津河持節重看下楚波欲上肩舉回首望水
西莊外暮雲多

紅花埠

路出紅花古埠陰濃綠樹人家大勝昨經濟北西風撲面堆

沙

雨過檐飛乳燕雲開山仿眠蠶望到綠蕪盡處候人指是江

南

至徐州寓館與叔華夜話

再藉皇華使重申翦燭情論年俱老大話舊倍淒清夏近河
流壯風高雨勢橫凌晨還喚渡浩蕩賦長征

舟中示樹齋尚書二絕

青簾畫舫本蕭閒柳岸蘆碕任往還絕似瑞園同直夜名香
小試鷓鴣斑

漁榔欲歇夜將徂酒冷茶溫興不孤明月一輪花十里滿身
香露過珠湖

高郵寓王文肅公故宅

烏衣門巷短牆遮灑掃初聞僕隸譁仄陋閒庭容旋去聲馬荒

涼喬木見棲鴉後賢已見曹司重謂懷祖清德猶傳父老誇

卻記京華曾造郤微言相示手頻子公車會試口會邀助修會典

回至紅花埠得 旨復往江寧讞事送樹齋尙書北

上

候館兼旬共起居客中分袂更踟躕塗長應再陳封奏事重

何能定判書時總督書君麟已去頂戴巡撫閔君鶚元及布政康君基田均令解京而按察王君士棻知府

別知州等俱分雨後新波浮畫舫風前飛絮送征輿秦淮桃葉

前游地尙書生別我知公意未紆長江寧

睢陽驛

驛路正當江北蒼波漸近淮南但覺濛濛煙霧不知濕透征

驂

候館紅薺一丈湖樓翠黛千層安得單衫小帽臨窗盡日閒

憑

五老畫圖曾見杜祁公等有睢陽五老會圖三鄉山水初經偏愛黃梅雨

細隔村煙樹冥冥

大柳驛

忽雨忽晴雲窈窕乍寒乍暖氣溟濛拍堤新漲人不到煙水

一頃飛鳧鴻

桑麻陰陰柳市屋葭菼漠漠漁家船身在南宮圖畫裏誰能

淡墨寫湖煙

滁陽驛

嵇山春盡草淒淒中散園亭迹已迷欲問廣陵遺曲杏竹林

日暮亂禽啼

昔年曾此住征輿走馬重來水一渠猶有鼠姑能對飲不辭
醉墨滿牆書

訪姚姬傳鍾山書院

綠槐高館駐征輿把臂相看更起予六代江山依講席廿年
風雨歎離居性情恬澹先辭祿經義紛綸早著書聞道門牆
多俊侶莫教寂寞伴樵漁

六合渡江示許員外秋巖

兆椿

一碧澄江練咿啞撥棹來秣陵山色在棠邑夕陽開塔火穿
林遠漁歌極浦迴潮生葭菼外傾聽共徘徊

暮抵臨淮關

一騎長淮路雲山欲暮天柝鈴關外驛煙火塢中船初月低
山影驚濤醒夜眼行廚魯酒薄小飲已欣然

過泰安官舍示宋太守藹若

思仁

雲開巒翠撲中庭適館傳餐雨乍停玉檢金泥思帝典秦碑
漢柏想神靈支笻未得千峯上叱馭空慚五度經聽說天門
觀日出紅霞百道動滄溟

凌河懷古

壯士交河著襟懷最激揚燈前雙鐵簡攘臂走光芒豪俠今
何有風沙自莽蒼生平慷慨意亦欲舞魚腸

七月二十八日同吉侍郎有堂

慶

奉使長沙出郊有

作

西郊暑退晚涼生重荷皇華使節行祇惜千秋逢 盛典不
同鷓鴣上蓬瀛

玉螭金鼈百戲陳周南留滯意難申計程應度瀟湘路叢桂

香中望

紫宸

時八月十三日自西華門至海淀各省皆陳王會

皇上八旬大慶

邯鄲呂公祠

濁世由來盡夢中夢迴尋夢更難窮人家各有黃梁飯搭枕何須待呂公

邯鄲曉發

殘月長星隱碧空肩輿鴉軋過祠東疎疎幾翻豆葉雨策策一道蘆花風宿靄漸收秋水碧連山忽斷曉霞紅黃梁餘夢朦朧在驚聽鳴禽起亂叢

望蘇門山懷孫徵君鍾元

前朝季世隳天綱僉王闡宦爭披猖甘陵竟欲一網盡白犢校尉提銀鑰檻車夜出草橋北詔獄慘酷埋忠良容城孝廉魯衛士氣壓燕趙悲歌行斗杓先奉孫高陽次友忠節鹿太

常聞信投袂來急難素體親綳鬚張危言苦語斥疆禦共驚口舌含風霜六芝煌煌萎犴狴逆億社稷將滄桑一木難撐大厦覆脫身蜚遯尋山岡蘇門巖嶂清而蒼龍門雷首相頽頽朝巒暮靄極窈窕春蘭秋菊皆芬芳廬數椽此卜築絕勝泉石兼松篁夏峯村畔開高堂英髦負笈趨門牆型仁講義法周孔窮理盡性追羲黃司空湯文正斌少詹耿逸庵介俱碩彥服膺奉守欽珪璋我今過此僅兩舍式閭何自申椒漿五世子孫歎但謝百年文獻寧凋傷宗傳近旨尙可購亟圖鐫刻垂膠庠先生著有四書近旨理學宗傳二書

行次滎陽家明府敦初同陳學博理堂變夜過寓齋

兼示新刊吳會英才集小飲有作

郵亭日暮卸行裝二妙同來話舊長最喜鬚眉俱歷落自憐

腰脚待扶將，衡茅燈火追前夢。

理堂曾於壬寅歲暮小住三柳漁莊

關輔雲山

憶對牀

余在西安與敦初聚首最久

薄宦羈游俱未遂，夜闌酒罷意蒼茫。

吳會新詩並絕倫，挑燈繙罷意難申。

山中邱久宿霜前草

則高東井謝世已數年矣

湖海終留席上珍，孤竹馬衰慚識道。

豐城龍起

合通津，獨愁明發分岐處，無計同看月滿輪。

時八月十四日

許州

柳陰一路似江鄉，撲面西風漸送涼。昨夜山前新雨過，沿溪

十里稻花香。

觀魏大饗受禪二碑

貔貅十萬揚旌旄，老狐乳贖爭咆哮。諸袁已盡奉先滅，赤伏

潛易當塗高鳥林，一炬久逃竄。孝廉聲勢臨江臯，許昌距吳

數百里，江淮汝漢繁南條。阿瞞築宮具深意，削桮便擬凌風

濤。三臺歌舞尙未竟，九首鬼伯潛相邀。子桓繼起更狡鷲，竟

託禪讓依唐堯。分香賣履言未冷，鼃聲紫色心尤驕。相國將

軍官四十劔，佩踰濟從誼。叟乃陳祥珍，瑞集再記款塞呼。

韓朝方當寢，苦枕山日衰。冕黼黻山龍，昭圍場干步壇九尺。

拜奠璽冊陳南郊，無君無父意自得。大書深刻垂瓊瑤，仲謀

奉表亦豚犬。龜象作貢供臣寮，公問刺刃入南闕。黃初四世

如風颺，蜀吳尙在魏。垂滅唯餘碑碣猶，崑崙吾見此文亦已

久。竭來親讀披蓬蒿，三十二行行款正。加以隸體無殘凋，鍾

繇梁鵠字莫辯華，款賈詡名難淆。比於檇杌可垂戒，何待後

世相訾謗廢宮久，作山陽廟靈旗石馬還蕭騷。

登黃鶴樓夜飲作示秋帆制府諸君

往歲南來經鶴渚，荆江堤決蛟龍舞。長官四出挾流亡，載酒

何人稱地主茲行風月正清秋制軍方伯邀前騶相看一笑
互摻手攝衣同上城西樓木落雲開窓極目冉冉斜陽下林
麓穰稔將收萬頃黃菰蒲猶映千層綠臨風舉鱗長筵開且
舒勞瘴消塵埃銅盤銀蠟已徐上更待皓魄凌空來談詩說
劍皆稱快賓主風流真絕代不須絃管奏誼喜有江山助
瀟灑胡牀吟嘯庾元規投轄藏鉤勸醉歸謂陳方伯惜少仙
人橫玉笛白雲黃鶴夜同飛

宿臨湘萬年庵

遠水漲柔藍層岡抱濃綠秋初風微涼稅駕近佛屋徙倚壁
間詩舊游率鬼錄還愴需玉人沈吟緬湘竹壁有梁文定公詩蓋撫湖南時
作又寺記稱驛舍係冲泉少司空修冲泉以丙午秋下世而
戊申文定繼之文定詩本和吳雲巖鴻作雲巖先任湖南學
使其門人宋編修銑亦嘗爲衡州太守住時師弟有
連璧之譽均與余善今亦先後下世矣故并及之

過洞庭湖滙口

蒼茫遠勢似滄溟取次行程到洞庭霜露漸凋秋樹綠煙嵐
微覺遠山青路通吳楚連江界地合瀟湘證水經擁傳卽今
瞻浩蕩從戎憶昔共飄零已丑冬同趙升之過此

湘江晚泊

雨霽湘江夕照妍披襟小坐意悠然濃陰誰種千竿竹香稻
初收萬頃田紅葉近遮沽酒店白蘋多傍釣魚船分明一片
吳淞景豈料清游在楚天

九月初十日家梅溪觀察家賓諸君餞於湘江驛舍

江天搖落罷登臺何意蕭晨再舉杯游讌幾同燕市酒風騷
還憶楚臣才時梅溪議修湘江神廟卽屈子祠也擬以宋玉景差唐勒庾信配之兩行絲竹人
將別千里煙波鴈又來他日蘅蘭花發處雲藍早望手親栽

湘鄉

殘更時候欲霜天疎柳橫橋月半
荳夢斷香消人不寐又聞
寒笛一江煙

安南國王阮光平以

萬壽祝釐入覲禮成而返

棹過長沙聞余等即日回京來見紀之

長刀植立儼威儀歸路尤殷荷燕思

御極八旬開壽域

來王萬里仰

崇禱身兼羽衛依仙仗

上命王在乾清門侍衛上行走

樂識簫韶喜

賜詩此去富良江上過奉藩譽望播蠻陲

松滋亭作

薄雪脩脩霽寒雲淄淄虛展聲通小市帘影落清渠竹樹春

煙裏山嵐夕照餘湘江三四曲曬網愛村漁

羅徽五院長招飲

橋州晝靜雨濛濛裙履借來敞綺權瑣院憶曾三次共

余與及王方伯懿德於己卯辛巳癸未三年同校鄉會試霜臺難得六人同

院長及吉少司馬麟郎中喜丁員外雲錦許員外兆椿皆先後為御史而余亦承乏副憲故云江湖舊侶欣無恙絲竹清音

聽不窮莫歎心期當歲晚好傳雅集寄詩筒

過觀音橋上吉祥寺即太白所詠白兆山也

昨從應城宿曉望京山行煙巒聳蒼翠拔地西南橫遂有觀

音礧曲折趨化城石崖出奇秀空嵌兼崢嶸鍾乳所凝結藤

蘿互迴縈竅穴各穿透剡刻皆天成超然觀自在瓔珞垂前

楹松龕梵唄靜蓮座香雲生塵根至此盡蕭寂疇能名再上

妙吉祥古桂疑千齡寺右見飛泉百丈懸晶瑩娑羅繞絕磴

清籟交琮琤伽藍惜荒蕪少見僧雛迎昔時李供奉於此紆

幽情桃花巖尚在何時見飛英空詠謫仙句噉噉哀猿鳴

荆川寓劉氏江村碧樹山房將去有作
江山秀而雄萬雉壯南戒其中三畝園亦復富松檜深池繞
其前層厓護其背碧蘚與紅藤交榮等圖畫苔壁繫幽琴繩
牀置方罍似為聽事餘耳目發清快不知一綫隄民生判利
害朝看石輪困晚驗濤湧溘焉能趁蕭閒俯仰適自在棲遲
將及旬亦少釋疲憊仲冬風日融欲別知難再禽鳥亦依人
飛鳴宛如話

重過湘纍廟

蕭瑟前游地緣蘆繫短槎雪晴雲似葉江遠浪如花幔捲啼
飢鼠林疎見墮鴉獨憐香火絕誰念賈長沙

長沙除夕

草草杯盤喜見辛鎖廳暫擬作閉身擁鑪聊似消寒會載酒

猶來饋歲人玉漏漸移頻問夜

將以五更望闕行禮

燈花齊發欲爭

春舉頭莫道長安遠俊侶仍多上國賓

